

Matai

¹ Ikhitabu eikya khikolo eikya Yeisu Klisiti mwana va Ibrahimu. ² U Ibrahimu ale vise va Isakha, nu Isakha ale vise va Yakobo, nu Yakobo ale vise va Yuda nu vukolo vake. ³ UYuta ale vise va Pelesi nu Sera khwa Tamali, uPelesi vise va Hezeloni, nu Hezeloni vise va Ramu. ⁴ U Ramu ale vise va Aminadabu, Aminadabu vise va Nashoni, nu Nashoni vise va Salimoni. ⁵ U Salimoni vise va Boazi khwa Rahabu, u Boazi vise va Obedi khwa Luti, u Obedi vise va Yese, ⁶ u Yese ale vise vantwa u Daudi. U Daudi ale vise va Sulemani khu dala va Uria. ⁷ U Sulemani ale vise va Rehoboamu, Rehoboamu vise va Abiya, Abiya vise va Asa. ⁸ U Asa ale vise va Yehoshafati, Yehoshafati vise va Yoram, nu Yoram vise va Uzia. ⁹ U Uzia ale vise va Yothamu, u Yothamu vise va Ahazi, Ahazi vise va Hezekia. ¹⁰ U Hezekia ale vise va Manase, u Manase vise va Amoni nu Amoni vise va Yosia. ¹¹ U Yosia vise va Yekonia na vavahave useikhi ugwa khutoliwa ukhuluta khu Babeli. ¹² Va vile vatoliwe ukhuluta khu Babeli, u Yekonia ale visa va Shatieli, Shatieli ale khukhuye va Zerubabeli. ¹³ U Zerubabeli ale vise va Abiudi, Abiudi u vise va Eliakimu, u Eliakimu vise va Azori. ¹⁴ Azori vise va Zadoki, nu Zadoki vise va Akimu, nu Akimu vise va Eliudi. ¹⁵ U Eliudi ale vise va Elieza, nu Elieza vise va Matani nu Matani vise va Yakobo. ¹⁶ UYakobo vise va Yosefu ugesi va Maliya uvi umwene UYesu aholiwe, uveikhi-langiwa vei Kilisite. ¹⁷ Ifivumbukhu fyooni

ukhuhuma khwa Ibrahimu impakha khwa Daudi fyale ifivumbukhu kumi ni fine, ukihuhuma khwa Davidi impakha ukhutoliwa ukhuluta khu Babeli ifivu mbukhu kumi ni fine nu khutoliwa ukhuhuma khu Bababeli impakha kwa kilisite ifivumbukhu kumi ni fine. ¹⁸ Ukhuholiwa khwa Yesu khwale nde. Umamaye, UMaliya, UYosefu, vu ahilikhe eindanda sakha, vuva khamale ukhutolana pu UMaliya akhavonekha ukhuta aleinonehigo mumakha ga mepo umbalanche. ¹⁹ Ugosi va mwene u Yosefu ale munu golofu sanogwe ukhukoncha isoni pa vanu. Pu akhalamula ukhundekha u ng'eincha va mwene khuvutitu avanu khitaluanya. ²⁰ Pu avile isaga ndavule usuhwa Vantwa akhambonekhela mu njosi, akhata, “Yosefu mwana va Daudi, ulekhe ukhudwaada ukhutola uMaliyamu ndu dala vakho, ulwa khuva unchigo ugwaleinagwo gwa makha gamepo umbalanche. ²¹ Puyaiholo umwana udeemi puyavukhupa eitawa lya mwene vei Yesu, ulwa khuva ayikuvapo kha avanu va mwene.” ²² Aga gooni gahumile ukhuvonesya khila eikhikhyanchoviwe nu Ntwa ukhugendela munya malago vuita, ²³ “Lola, ung'enja uvisagonile nu gosi lusikhu pu iva nu chigo nu khuhola umwana udeemi, puvikumwilangaga eilitawa lya mwene Imanueli” — khukhuta uNguluve paninie nufwe.” ²⁴ U Yosefu akhasisimukha mutulu nukhugaha nduvu usuhwa va Nguluve ambulile ukhuta atole ave idala va mwene. ²⁵ Pu leino sa gone nave impakha avile aholile umwana udeemi pu akhamwilanga eitawa lya mwene vei Yesu.

Sura ya 2

¹ U Yesu avile aholiwe mu Bethlehemu ya vayuta mufigono fya Nkuludeva u Herode, avanu avamanyi va nondwe ukhuhuma khuvuhumo wa linchuva vakhafikha khu Yerusalemu vakhata, ² “Aleindakhu umwene uviaholiwe unkuludeva vava yuta? Tuvye tuyeiwene einondwe ya mwene khuvuhumo wa linchuva nufwe pu twinchile khukhumwimikha.” ³ Useikhi ugu unkuludeva u Helode aviile apulikhe akhakalala, na yei Yerusalemu yooni paninie na yumwene. ⁴ U Helode akhavalundania avavaha vava tekhenchi vooni na visimbi va vanu, pu akhavuncha, “U Klisiti ayoiholiwa ndakhu?” ⁵ Vakhambula, “Mu Bethlehemu yava yuta, ulwa khuva vuyisimbiwe nu nyamalago. ⁶ Nuve Bethlehemu, mukhilunga eikya va yuta suleideebe muvalongonchi vava Yuta, pakhuva ukhuhuma khulyuve ikhwincha umbaha uviyakhiva ikhuvadeemaga avanu vango Israeli.” ⁷ Pu leino u Helode akhaviilanga avamanyi va nondwe khuvutitu akhavavuncha gyu seikhi guleikhu ugu einondwe yeivile yeivonikhe. ⁸ Akhavasuha khu Bethlehemu, akhata, “Mlutage einjila eiye mkhavunche fincho umwana uvyaholiwe. Pu mungambone mwinche mumbule ukhuta nayune puninche neimwimeekhe.” ⁹ Puvavile vapuleihinche unkuludeva puva khava vanu va khuluta, pu einondwe yeila uyuvakhayiwene khuvuhumo wa linchuva yeikhavalongolela impakha upu ya eimile pala upu umwana uvyaholiwe upu

ale. ¹⁰ Useikhi uguvayiewene einondwe va howikhe fincho. ¹¹ Vakhingeila munyumba puvakhambona umwana nu mamaye u Mariamu. Vakhawinamila nukhumwimekha, vakhavopola ifipakho fyavo vakhambonola uluvonolo ulwa lutalama, uvufumba ni mono inonu. ¹² U Nguluve akhavavula munjosi valekhe ukhukilivukha khwa Helode, puvakhahega ukhuluta khumyavoyo puvakhagenda einjila eiyeinge. ¹³ Puva viile vahegile, usuhwa vantwa akhambonekhela u Yosefu munjosi nu khuta, “Wime, utole umwana nu mamaye pumunyileile khu Misiri. Muve khukhukhwa impakha yakhiva nikhuvavula ulwa khuva u Helode ilonda ukhwangamencha umwana. ¹⁴ Ikilo eiyo pu u Yosefu akhasisimukha nukhutola umwana nu mamaye pu vakhanyileila khu Misili. ¹⁵ Atamile ukhu impakha u Helode avile afwile. Eiyie puyiekhavombekha nduvu uNtwa anchovile ukhugendela khu nyamalago, “Ukhuhuma khu Misili ni mwilangile u manango.” ¹⁶ Pu u Helode aviile awene akalaliwe na vanu avamanyi va vanu avamanyi va nondwe avipile fincho. Pu akhalageila ukhubudiwa avana vooni avadeemi avu vaale mu Bethelehemu na vooni avuvale nkilunga khila avanya miakha givili na pasi pa miakha eigyo ukhukongana nu seikhi ugu amalile ukhulumanya khuvamanyi va nondwe. ¹⁷ Leino pulikha leikwilanile eilimenyu leila eileilyanchoviwe nu ndomo gwa nyamalago u Yelemia, ¹⁸ “Eingolo ya puleikhikhe khu Ramah, eikhileilo nu lyoveelo uluvaha, u

Raheli wikhuva leileila avana va mwene pu akhabeela ukhunchesiwa ulwa khuva vasipali hange.”¹⁹ U Helode avile afwile, lola usuhwa va Ntwa akhambonekhela u Yosefu mu njosi ukhu khu Misili nu khuta,²⁰ “Wime utole umwana nu vanina pu mlutage mukhilunga eikya mu Israeli ulwa khuva avakhalondaga uwumi wa mwana vafwile.”²¹ U Yosefu akhima akhatola umwana na vanina puvakhincha mukhilunga ikhya mu Israeli.²² Puleino aviile apulikhe ukhuta u Arikelau ale mbaha va valongonchi khuva Yuta ahalile pa vise va mwene u Helode, adwaadile fincho ukhuluta ukhwa. Pu uNguluve avile ambulandinche munjosi akhahega ukhuluta khukhilunga eikhya khu Galilaya²³ pu akhaluta khutama mumbunchege uwa khu Nazareti. Pu ukhuta leivombekhe eilimenyu leila eili lyamalile ukhunchoviwa navanyamalago ukhuta ayikhelangiwa Mnazareti.

Sura ya 3

¹ Pu mufigono fila u Yohana uveiaonchaga aleikhulumbelila munyikha incha va Yuta,
² “Mpelage inongwa ulwa khuva uludeeva lwa khukyanya lu leipipi.”³ Ulwa khuva uyu vei mwene anchoviwe nu nyamalago u Isaya aleikhuta, “Ngolo ya munu uvei alei ndukungu, munonchage einjeila ya Ntwa, mgolosyage umwa khuluta umwene.”⁴ Leino u Yohana aafwalile amanchwa ga ngamia nu lukata lwa ngwembe mukhi vina khya mwene. Eikhya khulya khya mwene khyale imanji nu wuukhe uwa mumisitu.⁵ Pu ei

Yelusalemu, ni Yuta yooni ni khilunga khyoni eikhinchungula ulugasi ulwa Yolodani pu valei khunduteila umwene. ⁶ Puvaleikhyonchiwa nu mwene mundugasi ulwa Yolodani khunu vipela inogwa nchaavo. ⁷ Puleino avile avawene ava falisayo na vasadukayo valeikhwincha khumwene khukhyonchiwa akhava vula akhata, "Umwe mwiva khivumbukhu khya njokha veeni uvei ava vuulile umwe ukhukimbela uluviipo uluyakhiva lwikhwincha? ⁸ Muvoniage eisekhe inchino gelanile nu vupeli. ⁹ Pu mulekhe avange ndyumwe ukhusaga nu khwincho fanja, 'Tuleinave u Ibrahimu ndu daada yeito.' Ulwa khuva u Nguluve avahile ukhumwimekhila umwana ukhuhuma mumawe aga. ¹⁰ Einjunu puyeimalile ukhuveikhiwa mfikolo fya mabeikhi. Puleino khila beikhi ugu sagu houpa isekhe inonu pu gugeidiwaga nukhu laheila mu mwoto. ¹¹ Pu une nikhuvoncha na magasi savuli ya khupela. Pu leino umwene uveikhwincha musana ndyune vei mbaha ukhunduteiila une, na yune saneinogile ukhugega ifilato fya mwene. Pu umwene ikhuvonchaga khu mepo umbalanche nu mwoto. ¹² Uvie umwene ulupeetelo luleimavokho nu mwene pwi nonchaga fincho eikhyaalo khya mwene nukhulundania einganu mukhibaana khya mwene. Pu leino amapuna pwi nyanyaga mu mwoto ugusagwinchima. ¹³ Pu u Yesu akhinja ukhuhuma khu Galilaya impakha khulugasi ulwa Yolodani khukhyonchiwa nu Yohana. ¹⁴ Puleino u Yohana aleikhunogwa ukhu beencha aleikhuta, "Une ninogwa ukhyonchiwa

nuve, uve puvukhwincha khulyune?” ¹⁵ U Yesu akha mwanda akhata, “Weideekhe ulu leino ulwa khuva yeilondiwa ukhutekhelesya eilweli yooni.” Pu akhamweideekha. ¹⁶ Pu aviile amalile ukhyonchiwa, pu u Yesu akhahuma mumagasi, pu u Yesu akhahuma mumagasi, pu nilola ikyanya nchikhade indukha. Pu akhambona umepo va Nguluve vu ikhwincha ndei khihwani khya ngundya pukhikhalitama pa mwene. ¹⁷ Lola, eingolo eikhahuma khukyanya eiyiita, “Uyu vei manango ugane, uveinihovokha fincho nu mwene.”

Sura ya 4

¹ Pu leino u Yesu akhalongonjwa nu Mepo impakha khu lukungu ukhuta ageliwe nu tavangwa. ² Pu akhideenda ukhulya isikhu alubaini pamusi na pakilo, pu akhipuleikha einchala. ³ Pu leino ugeli akhinja pwakhambula akhata, “Unave uve ulie mwana va Nguluve gavale amaganga aga gave fisyese.” ⁴ Pu Yesu akhamwamula akhata, “Yeisimbiwe u munu sayitamaga ni khisyese khyeene khisita limenyu eilihuma mndomo gwa Nguluve.” ⁵ Pu utavangwa akhangileikha muvunchege uvuvalanche pu akhambeikha patembile baho pa hungile fincho, ⁶ pu akhambula akhata, “Ungave uve uleimwana va Nguluve, weilaeile pasi ulwa khuva yeisimbiwe ikhuvavula avasuhwa vamwene vikhu khyupeila mumavokho ga va veene, ulekhe ukhukuvala eikhilunde khyakho muliwe.” ⁷ U Yesu akhambula akhata,

“Yeisimbiwe, 'Ulekhe ukhugela uNtwa vakho u Nguluve.”⁸ Pu leino, utavangwa akhaatola nu khumbeikha baho pahangile ukhuluteilila fincho pu akhambonesya uvukuludeeva wooni uwa kilunga nuvunonu wa incho nchooni.⁹ Pu akhambula akhata, “Punikhukhupa eikhyuma khyooni ikhi ungave vukhunyimikhaga nu khwisuya khulyune.”¹⁰ Pu uYesu akhambula akhata, “Lutaga uhege apa, veitavangwa pakhuva yeisimbiwe umwimikhage uNtwa uNguluve vankho nukhumbombela umwene mwene.”¹¹ Pu utavangwa akhandekha, pu lola avasuhwa vakhincha vakhambombelega.¹² Pu uYesu avile apulikhe ukhuta uYohana va mwibite akhahega nu khuluta khu Galilaya.¹³ Akhahega khu Nazareti pwa khaluta khutama khu Kaperanaumu, eiyeleikhunji mnyanja ya Galilaya, ukhupakhana ni khilunga eikhya Zabuloni nu Naftali.¹⁴ Eiyi yahumile ewo ukhuvonesya eikhyukhyanchoviwe nu nyamalago u Isaya,¹⁵ “Mu mbunchenge uwa Zabuloni nu vunchenge wa Naftali, ukhulonha khunyanja eimwambo ya Yolodani, Galilaya ya vapanji!”¹⁶ Avanu avatamile muhisi valuwene ulumuli uluvaha, na vala ava vatamile muhisi ya vufwe mumbeene ulumuli luvamulikhe.”¹⁷ Ukhuhuma apo u Yeu akhatengula ukhulumbeileila nukhuta, “Mpelage imbivi pakhuva uludeeva ulwa khukyanya lulipipi.”¹⁸ Avile igenda mundukanji mwananja ya Galilaya, akhavavona avana munu vaveili, u Simoni uvie ailangiwigwa Petro, nu Andreyu umbahave, valie khutega

inyaafu munyanja ulwa khuva vale valovi va somba. ¹⁹ U Yesu akhavavula, “Mwinge mang'ongage, punikhuvaveikha valovi va vanu.” ²⁰ Khimbeivimbeivi vakhanchilekha inyaafu pu vakhakonga. ²¹ Nu Yesu akhaluta pakhimbale akhavavona avana munu vaveili, u Yakobo umwana va Zebedayo, nu Yohana umbahave, vaale muwaato nu Zebedayo u vise vavo vahonaga inyaafu nchaavo akhavielanga, ²² akhaseikhi ndakhuleikhu vakhavulekha uwato paninie naye vise vavo vakhakonga. ²³ Pu uYesu agendile mu Galilaya pakhasigala padebe ukhumala yooni, pwaleikhu manyisya mumasinagogi gaavo nukhulumbeileila eilivangeili lya ludeva nu khuponia uvutamu uvulipapingi mumbano. ²⁴ Pu ikhulongu ncha mwene chikha vaala mu Siria mwoni, pu avanu vakhincha vooni avuvale nuvutam uvalipapingi uvu wa pelaga uluvavo, uvavale ni mepo imbivi na vanyaligonchi na vavo vafwile eiganji emiveili gyavo. ²⁵ Ni fipuga fingi ifya vanu filikhukonga ukhuhuma khu Galilaya na khudekapuli mu Yelusalemu na mbu Yuta nu khuhuma eimwambo ya mu Yolodani.

Sura ya 5

¹ Navope aviile avawene ifipugu fya vanu akhatoga khukhyamba. Pu avile amalile ukhulama, avakongi va mwene vakhincha. ² Pwakha deendula undomo gwa mwene akhanja ukhuvamanyisya, nu khuta, ³ “Huba vala avanganju va numbula manya uluudeva lwa khukyanya lwavo. ⁴ Huba avanya

lususuvalo, manya avo yaviachesiwagwa.
⁵ Huba avanyakhisa, manya avo vala kihala ikhilunga. ⁶ Huba avanya njala ni khyumilwa ikhya yeilweli, manya avo valigutaga. ⁷ Huba vula avanya lusyikhilo manya avo valasyeikhiliwagwa. ⁸ Huba avanya numbula inonu manya avo yavikhumbona uNguluve. ⁹ Huba avavisayania, manya avo vikhilangiwigwa vana va Nguluve. ¹⁰ Huba avaviveipeiliwa savuli ya vuyeilweli manya uludeeva lwa khukyanya lwavo. ¹¹ Huba umwe yumwe avanu yavikhuvadukhaga nukhuvapa uluvungu nukhuva uvuvivi umwe nukhuvadelela savuli yango. ¹² Muhovokhage nukhulu lutila, manya ulutalama lwinyo luvaha khukyanya ulwa khuva vuyeilievyo avanu vava vungaga avanya malago avuvalekhyo umwe vu mukhanale. ¹³ Umwe mulei mwoyo gwa khilunga. Pu einave umwinyo guyanchinche uvunonu wa gwene, pu yiva ndakhikhi ukhuta yuve nonu khange? Pu nalusikhu sagwiva nonu khu khinu eikhinge khyukhyoni, puleino pugwiva gwa khutaga khunji nukhukadiwa na vanu. ¹⁴ Umwe muleilumuli lwa khilunga. Uvunchege uwuvunchengiwa pakyanya pakhyamba savufihama. ¹⁵ Na vavanu saviwasya einyali nu khuveikha pasi pakhisanja, pu vi veikha pavuhagufu, puyikhuva muleikhaga voni avahei mgati munyumba. ¹⁶ Pumululekhe ulumuli lwenyo lumuleikhage mbulongolo mu vanu munjeila eiya khuta avanu vanchivonage imbombo inonu ndyumwe nu khumwimikha

uDaada yeinyo uva khukyanya. ¹⁷ Mlekhe ukhuta ninchile khudanya ululageilo vave vuvanya malago saninchile khudanya punichele khwinoncha nukhugolosya. ¹⁸ Pu lweli nikhuvavula ukhuta pu napakha ikyanya ni khilunga fyooni filute, khisikhuli eikhigelelo nakhimo eikhya lulagilo ulu yakhiva lwihega, pu mpakha apo upoyakhiva khila khinu khiva khikwilanile. ¹⁹ Pu leino umunu uveiavenchaga uveideenya ululagilo uludeebe loninie mundagilo inchi nukhuvanyisya akange ukhudeenya uywa puikhilangiwaga ideebe muludeva lwa khukyanya. Pu ula uveikhunchibata nukhuvamanyisya avange uywa ikhilangiwaga imbaha muludeeva lwa khukyanya. ²⁰ Manya nikhuvavula ukhuta einave uvugolofu weinyo savulutiila, mumbogolofu wa vasimbi va kalata na Vafalisyao, pusamuleingile lusikhu mundudeeva ulwa khukyanya. ²¹ Mupoulikhe ukhuta avanu ava khatale vavuliwe ukhuta, ulahudaga nu munu ubudi panogile ukhuheigiwa.' ²² Pu leino une nikhuvavula ukhuta umunu unyaluviipo khu niine punogile ukhuheigiwa, umunu uveikhinchifula nukhusula ulukololwe panugile ukhuheigiwa palulundamano lwa vaheigi nu munu uveikotola vivakhulahiwa mundugadu ncho ulwa mwoto ukali. ²³ Puleino unave vuheileikha isadakha ya panekhelo yakhutekhela khuntwa, punakhumbukhe ukhuta uleininogwa nu lukololwo ikuta nuve, ²⁴ pu yeilekhe isadakha eiyo pala panekhelo, pu beite tasi ukhideehane nulukololwo, pukilivukhe

khwilaha isadakha yakho. ²⁵ Weideehane nu munu uveitutile inogwa khumwene, weideikhe khimbeivi mbeive vumuleimunjeila mwiluta khubalasa, pu unave savukhwidhana nave munjei pu ula uveiutulile einongwa khumwene avahile ukhukhulekha khumbaha vavuheigi wa nongwa pu ula ikhukhuheilika mmavokho ga vasikhali puvikhukhudeindeila mundu pala nie minyololo. ²⁶ Pu weideikhe ukhu nalusikhu sakha khudekhepele winchiga ukungiwe mulamula vusuhombile eihela ya mwene impakha yakhiva vuhomba yooni. ²⁷ Mupulikhe ukhuta, linchoviwe eilita ulaligupaga.' ²⁸ Pu une nikhuvavula niita umunu ikhundola udala mumbunogwe uywa amalile ukhuligupa nave munumbula ya mwene. ²⁹ Enave eiliho lyakho eilya khundyo likhukhupela uvunangi pu uleihenche utage khuvutali nuve. Ulwa khuva huba uve mbula khamagikha khaninie. Pu umbeili gwakho gwooni gulekhe ukhutagiwa mundugaduncho la mwoto. ³⁰ Pu ni khivokho khyakho eikhya khundyo khangha khupele uvunangi pugeide, utage khutali nuve. Manya panogile uve mbulakhimagikha khininie, pu umbeili gwakho gyooni gulekhe ukhutagiwa mundugaduncho lwa mwoto. ³¹ Leinchoviwe eilita, uveihumya udala nukhupa eikalata eiyiita niswimile udala uyu.' ³² Pu une nikhuvavula niita, uveihumya udala va mwene vusaligwipe, pu ikhupela aveindigu na vanu avange pu umunu uveitola udala uvalekhiwe nu gosi va mwene uywa pu iva iligupa nave. ³³ Mupulikhe ukhuta,

vavuliwe ava viise veinyo ukhuta, 'Ulekhe ukhwijiega mbudesi, pu umwe mweijiagage khu Ntwa kwene uvwayeilweli. ³⁴ Pu une leino nikhuvavula niita, muleijieguga na padebe, khumela nu khuta manya nakhukyanya, ulwa khuva khyukhigoda eikhya Nguluve; ³⁵ Khive mukhilunga manya pupakhuvikha amalunde ga mwene, yeive mwu mu Jerusalemu, pakhuva wuvunchenge uwankuludeva umbaha. ³⁶ Khyumela nukhwijiega pakhuta, manya neilie nuntwe manya neilieninchwele pakhuva sawigela nukhupela ate uluywilei hata lumo ukhuta luye lu valafu yeive luye lutitu. ³⁷ Pu amamenyu geinyo gavenchage ga khuta, 'Ena, enave mukhweideihana, mutenchage khyomela enave samukhwi deihana.' Pa khuva agaluteilile pa ago gihuma mundugu. ³⁸ Mupulikhe lisimbiwe eilita ukhwita, vuleila eiliho pa liho, eilino pa lino.' ³⁹ Pu leino une nikhuvavula niita, mulakilanaga nu munu umbivi; pu umunu anakhutove ni lipi khuvunchuga waakho uluvafu ulwa khundyo pupinchage nuluvafu ulunge lwope atove. ⁴⁰ Pu umunu anakhuheileikhe pavuheigi apokhe umwenda gwakho pu upinchage na gugunge. ⁴¹ Pu ula uveikhukhyumeilinja ukhugenda nu mwene eimaili yeimo pu gende nave imaili eveili. ⁴² Pu ula uveikhudova ifya khudova upeinchage, ula uveidova ukole upe ulekhe ukhusyetukhila khungosi. ⁴³ Mu pulikhe leisimbiwe eilita uganage unino, unsoulage utavangwa.' ⁴⁴ Pu une nikhuvavula niita muvaganage

avatavangwa veinyo, muvadovelage ulusayo vala avikhuvakotola muvavombelage inonu na vala vavo vavansoulile,⁴⁵ pu muvenchaga vaana va Daada yeinyo uva khukyanya. Pakhuva umwene ikhuva muleikhila eilinchuva avavivi na vanonu, ifula ya mwene yeitima khu vagolofu navatava vagolofu.⁴⁶ Pumunave mukhuvagana vala vavo vavaganile umwe, pu muhombiwa khinukheikhi? Avasangunchi voope nchusavivoomba ndincho?⁴⁷ Hange munave musamusania mwivana munu yumwe, pu muvomba khinu khikhi ukhuluteila? Pu! avanu avapanchi nchu savivoomba ndiincho?⁴⁸ Pu umwe muvenchage vagolofu nduvu u Dada yeinyo uvakhukyanya umwavelile igolofu.

Sura ya 6

¹ Mweilolage mulekhe ukhuvomba uvugolofu weinyo pamiho ga vanu ukhuta nuvonekhe khuvene, pu munave mwigaha ewo pusamwikava uluhombo kwa Daada yeinyo uvaleikhukyanya. ² Puleino vuleipakhuhumya isadakha yakho pulekhe ukhunkuva eingalape yuve nukhwiginia nduvu avanu avadesi umuvigahila munyumba ncha khwisayeila ukhuta avanu puvavakele, pu ncha yilweli. Lweli nikhuvavula niita, pu viva vakavie hani uluhombo lwavo. ³ Pu uve vuwihumya, isadakha yakho ikhivookho khyakho eikhyaheigi kheilekhe ukhulumanya khila eikhyukhi vombiwa nei khivookho eikhyakhundyo, ⁴ eisadukha yakho ukhuta puyivenchage ya khuvutitu. Pu uDada vakho uveilola

nifyakhuvutitu veikhukhupa uluhombo lwakho. ⁵ Pu useikhi uguvukhisaya, ulekhe ukhuvanda vadesi, ulwa khuva vinogwa ukhwima nukhwisaya manyumba icnha khwisayeila na munjeila inchilekhehine ukhuta avanu puvavavone, lweli nukhuva vulela vamalile ukhukava uluhombo lwavo. ⁶ Pu leino uve vuleipakhwisaya iengeila mukhiyumba khyakho. Deinda ulwinchi puwisayage kwa Daada vakho uvyalei khuvutitu. U Daada vakho uvei ilola khuvutitu ikhukhupa uluhombo. ⁷ Nu pumwiva pakhwisaya pumulekhe ukhupwateila nduvu vipwateila avakaya pakhuva avene puvisaga viita vanapwatage amamenyu gavo pugipuleikhikha. ⁸ Pu mulekhe ukhuhwanana navo, ulwa khuva u Daada yeinyo agamanyile ugumulonda vu mukhaale ukhudova. ⁹ Pu umwe vumukhisaya mwisayage mtenchage: Daada veito vakhukyanya, eilitawa lyakho leivalanchiwe. ¹⁰ Uludeeva lwakho lwinchage, uvunogwe vwakho vukongiwigwe pasi apa nda khuyanya. ¹¹ Utupinchange ifinu fyieto ifya eilelo iyi. ¹² Utusyiekhilage inogwa ncheito, ndufwe vutukhuvasyiekhila avanyanogwa khulyufwe. ¹³ Ulekhe ukhutuveikha palugelu, pu utupokhe pa mbivi, pu uludeva lwakho na makha gakho nu vudwadwa vwakho sikhu nchooni. ¹⁴ Munave mukhavasyiekhila avanu inongwa nchavo, pu uDaada veinyo uva khukyanya voope ikhuvasyiekhilaga inongwa ncheinyo. ¹⁵ Pu leino munave samukhuvasyiekhila avanu pu nayu, daada yeinyo sakhavasyeikhile inongwa ncheinyo.

¹⁶ Pu unave weideindile ukhulya savuli ya khisaya, pulekhe ukhuguva khu miho pakhuva nukhikoncha isoni, mulekhe ukhuva nda vanu avadesi umuvigahila viguva khumiho ukhuta avanu puvavavone ukhuta vadeendile ukhulya savuli ya khwisaya. Pu lweli nikhuva vula vumalile ukhukava uluhombo lwavo. ¹⁷ Pu uve upuwiva udeindile savuli ya kwisaya, bakha imono untwe gwakho pu ukalave na khumiho. ¹⁸ Pu sayikhavonekhe khuvanu ukhuta ue udeindile savuli ya khwisaya. Pu yimanyekkhikha kwene khwa Daada vakho uveilola khuvutitu veikhukhupa uluhombo. ¹⁹ Khyomela ukhwilundikhila ifyuma fyakho mukhilunga umu, umuimikoswe nu husu yinangania hange avalyasi puvibomola nukhuhincha. ²⁰ Eikhivaha mwilundikhilage ikhibana khyinyo khukyanya ifyuma ifyumwi kava, pakhuva khukyanya ingoswe neihusu sayinanga, upu navava valyasi savigela ukhuhincha nukhunanga. ²¹ Pakhuva ikhibano khya fyuma fyakho upukhileipwo, pu apo na yeinumbula yakho puyileipwo. ²² Eliho nyali ya mbeili gwakho. Pu leino, inave eiliho lyakho linonu umbele gwakho gwooni gwiva nulumuli. ²³ Pu einave eiliho livivi, na ngumbeili gwakho gwiva neihisi. Pu leino einave ulumuli lulwa lulei mugati mundyuve luyve hisi fincho, pu hisi mu khigelelo khikhi! ²⁴ Asikhuli nayumo uveigela ukhuvavombela avankuludeva vaveili, ulwa khuva pwayi khukalaleila yumo nukhugana uyunge. Hamuwezi kumtumikia Mungu na mali. ²⁵ Pu leino nikhukhuvula ulekhe ukhwigatancha nukhusaga pa wumi vwakho,

pakhuta yawilya khiikhi, ya winywa khiikhi, nu mbeili gwakho ya vufwala khiikhi. Pu! Uwumi savululeilile pa khya khulya nu mbeili gululeilile pafyakhufwala? ²⁶ Mulolage ifidege ifya khukyanya. Safileima hange safibena, pu safilu ndania nukhuveikha nkibana, pu u Daada yeinyo uvakhukyanya ukhufleisya ifyo. Umwe pusamuluteilile khufyene? ²⁷ Pu veeni mundyumwe uveigeila ukhwiyongelencha ikhigono khimo muwumi wa mwene? ²⁸ Pu khikhi mwiva na masago gakhwisagila pa mienda gya khu fwala? Mulole khiluhala uvuluva mufyalo umuvudaleila. Savuvomba mbombo hange savukhifwaheincha. ²⁹ Pu neipinchige nikhuva vula niita, na yu Sulemani mumbuvaha wamwene wooni safwale lusikhu ndu vuluva uvu na vumo. ³⁰ Einave uNguluve ifwaleincha ewo eilinyasi mufyalo, leilyo litama isikhu yeimo pukhilavo gilahiwa mumwoto, pu mukhigelelo khileikhu ayikhuvafwaleincha umwe, umwe mwei vayikhuvafwaleincha umwe, umwe mwei vanyalweidekho ludeebe? ³¹ Pu leino niita khyomela ukhwisagila nukhula, 'Pu ya twilya khiikhi?' Pu ya twinywa khiikhi?" Pu ya tufwala khiikhi?" ³² Ulwa khuva avankhilunga, avakaya vikhufilelonda ifinu ndiifi, nu Daada yeinyo uva khukyanya alumanyile ukhata mulonda ifinu ifyo. ³³ Pu leino mulondage uludeeva lwa mwene taasi nuvwayeilweli vwa mwene pu ifinge fyooni ukhuvongelenchaga. ³⁴ Pu ulekhe ukhwisagila savuli ya khilavo, pakhuva ifya khilavo

fikhisageila fyeene. Ifigono fyooni umufikiyela filinicha fyene.

Sura ya 7

¹ Khomela ukhuhiga pakhuva nayumwe malahigiwa. ² Pakhuva eimihigile gila igyumwi-hegiwa vulevule. Pu nakhikhigelelo eikhumu gelela avange nayumwe mulageliwagwa mueikhyo. ³ Pu khikhi wilola akhalagaleilo akhalagile muliho lya nino, pu leino salumanyile ukhuta muliho lyakho muleikhi lagaleila khya gubeikhi uguvaha? ⁴ Pu wiva na makhamakhi agakhunchova khunino ukhuta ukhi nikhuhenche akhalagaleila mu liho la nino vu uve muliho lyakho muleigulagalila uguvaha? ⁵ Uleidesi uve; puhenche tasi ugulaga leila muliho lyakho, pu leino wiva na makha gakhuhencha akhalagaleila muliho lya nino. ⁶ Khyomela ukhunchipa imbwa ifinu ifivalanche, hange khyomela ukhunchilahila ingube inyambo. Pakhuva inchene pu yachikanda inyambo eincho na malunde ga nchene nukhuvasyetukhila nukhuva niefulania. ⁷ Pudovage puvupewa. Ulondage, puvukhufivonaga. Hodenchaga, nuve puvudeinduliwagwa. ⁸ Pu ula uveidova ikyupeleilaga. Nula uveilonda ikhufivonaga, nu umunu uveikohona eideinduliwa. ⁹ Pu khulei munu veeni khulumwe uvei anave umwana va mwene idova eikhisyese pwi khupa eiliwe? ¹⁰ Pu anave idova eisomba, ikhupa pu ikhupa einjokha? ¹¹ Pu leino,

einave umwe mwivavivi lyooni mukhimanyile ukhuvapa avana veinyo ifinu ifinonu pu u Daada yeinyo uvakhukyanya alekhe ukhuvapa umwe ifinu ifinonu ukhuluteileila ifyumudova khumwene? ¹² Savuli ga eiyo, upuwinogwa ukhuta avanu vavavombelage umwe inonu nayumwe pumuvombage vulevule. Pakhuva eiyo lyu lulageli na vanyamalago. ¹³ Mwingeilage na ndyango ufinye, ulwa khuva undyango mwelefu na yeinjeila nyeleefu eiyuyiluta khuvuyagi, hange pu vingi avigenda munjeila einyelefu. ¹⁴ Ifinye undyango ifinye nu einjeila yiebanelinchiwe eiyo yiluta khuwumi na veene avikhuyeivona vadebe fincho. ¹⁵ Mwivandeikhe nukhwilolela navanya malago avavudesi, vavo vikhwincha puvafwalile eingwembe ya ng'osi, humbe leinu eilyulibuda avanu. ¹⁶ Pu mukhuvamanyaga musekhe nchavo. Pu leino avanu vitungula amasilu mu mitwinyo? Pu umunu itungula ncha kuyu pamatula? ¹⁷ Vuvuwa umbeikhi unonu guhupa isekhe inonu, nu ubeikhi umbivi guhupa isekhe imbivi. ¹⁸ Ubeikhi unonu saguhupa lusikhu isekhe imbivi, nu beikhi umbeivi nalusikhu saguhupa isekhe inonu. ¹⁹ Ubeikhi gula ugusaguhupa isekhe inonu gwakhudumula, nukhutaga mu mwoto. ²⁰ Pu leino niita mukhuvamanyagamusekhe nchavo. ²¹ Mulekhe ukhuta vala vooni avuvii, 'Inkhuludeva, Inkhuludeva,' khuntwa vuvalingeila khukyanya ndeili, pu ula uveivomba nchila inchinogelanile pa Daada vava lingila khukyanya. ²² Pu avanu vingi pa khigono eikyo valata, 'Inkhuludeva,

Inkhuludeva, salulikhulangula munditavwa lyakho, satulikhutuleikhumya munditawa lyakho? ifidego satuleikhuvomba munditavwa lyakho?' ²³ Pusanilavafihe nilavavula pava valafu ukhuta, 'Samvanyile umwe! Muhege palyune mwemvivombeile imbivi mwimukhale nalubedo!' ²⁴ Pu leino, umunu uveipuleikha eilimenya lyango nukhukonga pu ihwana naga nu munu unyaluhala uveanchengile einyumba palinalawe. ²⁵ Pu eifula yeikhatima ingasi nchikhadeiga gukhuyila ukulugutu gukhakula einyumba eila, pusayagwe pasi, ulwa khuva yanchengiwe palunalawe. ²⁶ Pu ula uveipuleikha eilimenyu lyango sikhuleikonga, pwiwanana nu munu unchimu uveianchengile einyumba ya mwene palusanga. ²⁷ Eifula yeikhincha yeikhatima fincho amagasi gakhadeiga ukulugutu gukhuyeila gukhapula einyumba yeila yeikhagwa eikhutuveili khikhadang'alukha." ²⁸ Pu gukhafikhe useikhe ugu u Yesu akhava amalile ukhunchova amamenyu aga, pu avanyalulundamano vadebile fincho ulumanyisyo lwa mwene, ²⁹ ulwa khuva amanyisye ndu munu umwene vutwa.

Sura ya 8

¹ Pu umwene avile ikhile ukhuhuma pakhyamba, avanyalulundamano vingi vakongile. ² Pu lola, akhinja umunu unyabuuba, akhata, "Nkhuludeva unave winogwa wimonie uvutamu." ³ U yesu pwakhagolosya ikhivokho khyamwene

akhamwabasya akhata, “Ninogwa upone. Pu akhapona useikhe gulagula ibuuba. ⁴ Pu u Yesu akhambula akhata, “Lola khyomela ukhumbula umunu eikhidego eikhi. Pu lutage ukhivonesye khuntekhenchi, pukhahumye neinekhelo nduva alagile u Mose muvamanyaile avane” ⁵ Pu uYesu avile afikhe khu Kapernaumu, pu undongonchi vavasikhali akhincha khumwene, ⁶ pu leino unchongonchi ula akhasimelencia akhata, “Veinkuludeva, umunu vango aleipa kaya alambalieile igona umbeili gwa mwene gufwe eiganji hange aleinuluvavo fincho.” ⁷ Pu u Yesu akhambula akhata, “Nikhwinja neinjaveile apone”. ⁸ Pu ula undongonchi vavasikhali akhamwamula akhata, “Inkhuludeva, vango sapanogile ukhuta uve wingile mukaya yango, pu ni doova unchove eilimenyu vuvule pu umbombi vango ipona. ⁹ Ulwa khuva une na yune neilimunu neiveikhivwe pulungonchi vwa vasikhali ava valipasi palyune. Nei ngale khyuyu “'Luta' khuvuleive, pu iluta 'Vuvule' pu khuyunga neingate inchaga khunu ikhwincha vuvule, hange umunu umbombi vango neingate,' vomba eikheive puivomba vuvule. ¹⁰ Pu u Yesu vuapulikhe ndavule adegilee fincho nukhuvavula avakongaga akhata, “Ncha yeilweli nikhuvavula, saneigelile lusikhu umunu unya lweideikho ndulu mu Israeli eiyei yooni. ¹¹ Nune nikhuvavula eiyakhuta avingi valahuma khuvuhumo wa linchuva na khuvusemo wa linchuva, valatama pupaninie nu Abrahamu, nu Isaka, nu Yakobo, pakhulya

ifinu mundudeeva lwa khukyanya. ¹² Pu leino avene avana valudeeva vala lahwagwa muhisi ya khunji, pu ukhwa khulava neikhileilo nu lugaduncho lwa meno.” ¹³ Na voope uYesu akhambula undongonchi vavasikhali akhata, “Lutaga! puyive nduvunchovile ukhuta umunu umbombi vakho apane, Ukhukongana nu lweidekho lwakho.” Pu leino umbimbi va mwene akhaponu useikhe gulagula. ¹⁴ Pu uYesu akhafikha khukaya ya Petro, pwakhambuna unkwive va Petro vaninemwa va dala va mwene, igona pakhihaga aleineimungu. ¹⁵ Pu uYesu akhamwabasia ikhivokho khya mwene imungu puyeikhandekha. ¹⁶ Pu pakhimihe vukhwilile pu avanu vakhavagega vavingi avavule ni mepo imbivi. Akhandimenyu lya mwene akhavaponia vooni avo vale vatamu hange vatokhile. ¹⁷ Pu yeikhava limalile ukhuvombekha eiliemenyu leila ilyanchoviwagwa nu nyamalago u Isaya, eilyakhuta umwene avatulile uvudekhekhe vwito, nu vutamu vwito wooni avupeimbeile” ¹⁸ Pu umwene u Yesu avile avwene ikhipuga khya vanu vuvungi vanchungutile akhavavula nuvalagila ukhuta tuvukhe tulovokhe khumwambo khunyanja eiyamu Galilaya. ¹⁹ Pu umunu uyungu usimbi vakalata akhandutila uYesu, pwakhata, veimanyisi uve nikhukhukonga khyoni ukhuwiluta.” ²⁰ U Yesu akhamwamula akhata, “Amakave galeinamaguli umwakhugona ifidege fyope filinuvufumba, pu umwana vanya munu aleinchila pakhuveikha uluvafu nukhuhagalila untwe.” ²¹ Ukongi va mwene uyunge akhambula

akhata, “Nkuludeva, nidova nilute nikhasyile u Daada.” Pu u Yesu akhata, ²² “Ung'ongage une uvalekhe avafwile vasyiilage vavo.” ²³ U Yesu akhingeila muliboti, avakongi va mwene vakhakonga. ²⁴ Lola inyanja yikhahambukha vu umbelo guleikhukulugata neimepo yale mbaha fincho. Pu leino u Yesu agonelile utulu. ²⁵ Avakongi vakhanduteila vakhasisimula nukhata, gwe Nkhuludeva utupokhe ufwe tuleivanya khyongomela munyanja. ²⁶ U Yesu akhavavula akhata khiikhi muleivadwaanchi umwe, khikhi mulei nulwidikho ludebe umwe?” Akhasisimukha, pu akhava munu va khutama khu kulugutu ugunya mepo eiyyina mbelo uguleikhupiga eiliboti pu einyanja yeikhalitama, ²⁷ avanu vooni vakhadeya nukhuta umunu uyu aleinamakha makhi, hange aleindakhikhi pakhuva ukulugutu gwa mepo eiyyinyambelo gyope gukhudwaada?” ²⁸ Pu useikhi ugu uYesu avile alutile khumwambo khu khilunga eikhya vaMagadala, valepo na vanu vaveili avanya mepo imbivi vakhaganila nave. Avanu avo vahumile khumapumba pu valeikhuvagatancha fincho avanu, pa navava gendanjeila savaleikhugenda einjeila yeila. ²⁹ Lola, puvakhovela eilimenyu vakhaya, “Tuleinakhikhi nuve vei mwana va Nguluve? Winchile apa pakhuta kineila vu pakhale useikhi sagufikhe?” ³⁰ Pu kwale neikhipuga khya ngube pu nchale pipi navo, hange valepo na vadeimi vagube, ³¹ imepo imbivi punchilikhukuta khwa Yesu ukhuta. “Pu ungave ulwamwile ukhutuhumya utuheileikhe

magubenchila.” ³² Pu uYesu akhata, “Lutaga!” Pu imepo imbivi nchikhahuma khu vanu vala nukhunchikhingeila khugube. Lola eikhipuga khyoni khikhikha ukhuhuma khukhyamba leikhaluta nukhwingila munyanja punchikhafwa mumagosi. ³³ Pu leina avadeimi vagube vakhanyila ukhuvuya, vavile vafikhe khu vanchege vwa vanu vakhayavula nchooni inchuvanchiwene na vavanu avanya mepo imbivi. ³⁴ Lola, uvunchege wooni wa vanu vakhincha khukhwaganila nu Yesu. Vaveile va mbwene vakhasimeileincha ahegade nu khilunga khyavo.

Sura ya 10

¹ Pu u Yesu akhingila mundiboti, pwakhalovoka nukhufikha mumbunchege uwamyave. ² Lola, pakhincha avanu vagegile umunu uvyafwe eiganji vugoninche pa kihaga puvakhapimba. Pu uYesu akhaluvona ulweideikho lwavo. u Yesu akhambula utamu ula akhata, “Manango uve nuluhekhelo weikanganche, usyeikhiliwe inongwa nchakho” ³ Lola, pu avamanyi vakalata vaninie vakhinchofanja munumbula nchavo, vakhata uyu eikhubeiga lweli unguluke” ⁴ U Yesu akhagamanya amasege ugu visaga pwa khata, “Khikhi musaga uvuvivi munumbula ncheinyo?” ⁵ Pu lilele leileikhu neigate usyeikhiwe inongwa nchakho nukhuta ima ugendage?” ⁶ Puleino mulumanye ukhuta umwana vanyamunu veimwene uveisyeikhila inongwa (Pu ikhumbula ula utamu) hega weitwikhe eikhihaga khyakho

ulutage khukaya yakho.” ⁷ Pu umunu ula uveifwele eiganji akhima nukhuhega ukhuluta khukaya ya mwene. ⁸ Pu ikhipuga khya vaanu khyooni vavile valolile ndavule puvakhadwada hange nukhuginia uNguluve uvei avapeile avanu amakha aga leidavule. ⁹ Pu uYesu avile eigeinda ukhuhuma pala akhambona umunu eilitawa ale vei Mathayo, atamile pavusangunchi wa songo. Pu akhambula, “Ung’ongage une” Voope akhima nukhukonga. ¹⁰ Pu u Yesu avile atamile pasi ukhuta alavukhe eikhya khulya munyumba, vakhincha avasangunchi va songo vuviingi na vanu avatula nogwa vakhalya pupaninie nu Yesu eikhya khulya hange na vavakonge vamwene. ¹¹ Pu avafalisayo vavile valolile ndavule, puvakhavavala avakongi vakhata “Khikhi umanyisi veinyo ahanga eikhyakhulya navusangunchi va songo na vanu avatula nongwa?” ¹² U Yesu avile apulikhe ewo na vope pu akhata “Avanu vavosavatamu vukafu pa mbeili vusavilonda unyakhuvayavila, pu vala vavo vatamu vu avo veilonda unyakhuvaya veila. ¹³ Pupanogile mulute mukhamanyile khukhuta khikhi amamenyu aga, “Nilonda eikhisa sanilonda isadakha ya nekhelo. ¹⁴ Leino puvukhincha avakongi va Yohana vakhavuncha vakhata, “Khikhi ufwe nava Falisayo khikhe tukhufilekha ifinu ukhulya, pu avakongi vakho savikhufilekha?” ¹⁵ U Yesu akhavavula akhata, avanu vavo veilangiwe khuvulegulani puvisusuvalaga ndakhikhi vuvalei nutegula ndala? Lakini siku zinakuja ambapo Bwana arusi atachukuliwa kutoka kwao, na ndipo

watakapofunga. ¹⁶ Asikhuli umunu uveivekha eikhikata eikhipya pa mwenda unkulu, ulwa khuva khila eikhikata ekhipya khipapukha pamwenda unkulu. ¹⁷ Vusikhuli avanu avaviveikha unekhe ugwa masilu puvidudeileila mupakho unkulu, einave viveikha ifipakho fila pufiniefukha amasilu gidudeikha. Ndeili unekhe gwa masilu vidudeila mumipakho eimipya eigya musilu, pu fyoni fiva finonu vuvule. ¹⁸ U Yesu avile aleipakhuvavula inchi lola pwakhincha umbaha vava manyisi pwaleikhufu gafuga pu Yesu aleikhuta, “Umwaleivango afwile akhaseikhi akha leino, puwinche siwo uveikhe eikhivokho khyakho pamwene pu inchukha iva mwumi. ¹⁹ Pu uYesu akhima akhanda ukhukonga navakongi va mwene vakhalongonjana. ²⁰ Pu lola, udala umo uvei ale khwimali eimyakha eikhinchigo neigeiveili akhahegelela pa Yesu khusana pu akhabasya eikhilundwa khya mwene khu malunde. ²¹ Pakhuva ainchofanjinche munumbula ya mwene akhata, “Puninave nikhwabasya khyene eikhilundwa khya mwene punipona.” ²² U Yesu pwakhava munu vakhusye tukha khusana pwakhambona akhata, “Mwaleivango weikanganche einumbula ulweideikho lwakho lukhuponinche. ²³ Pu uYesu avile afikhe khukaya ya mbaha vava manyisi puakha vavona ikhipuga khya vanu nava nkhuva fiwiwi ni nyovelo imbaha. ²⁴ Pu akhata, “Muhege apa pakhuva umanango safwile, pu agonelile vuvule. Pu avene vakhahekha nu khubeida. ²⁵ Avanu vala vavile vahumile khunji,

pu u Yesu akhingeila khugati akhamwibata eikhivokho umwana ula akhima. ²⁶ Pu einongwa inchi nchikha daala nukhupulikhikha mukhilunga khyoni eikhavanhenge vula. ²⁷ U Yesu vuahumile pala iluta khuvunye pu avanu vaveili avabofwile amiho vakhincha, vakhakonga, puvakhava vanu vakhyova nukhuta, “Vei mwana va Daudi, utuleileilage eikhisa.” ²⁸ U Yesu avile ingile munyumba vala avabofwile amiho vakhincha khwa Yesu, pu akhavavula akhata, “Mukweideikha ukhuta nikhimanyile ukhuvomba einchumsagile?” Pu avene vakhambula vakhata “Ena, Nkuludeva” ²⁹ Pu u Yesu akhavabasya amiho gavo akhata “Vuyeivombekhe ewo nduvumweideikhe ulweidekho lweinyo.” ³⁰ Pu amiho gavo gakhadeindukha. Nu Yesu pwakhavataneila fincho ukhuta, “Mweilolelage umunu na yumo alekhe ukhulumanya inchivombikhe khulyumwe.” ³¹ Pu leino avanu vala vakhahega vuva humile khunji puvaleikhuva vula avanu voni vakhalumanya mukhilunga eikhya vunchenge wooni. ³² Pu vavile viluta lola pwavanu vakhagega umunu uveisinchova ahuliwe ndu munu avaleikhinunu, ulwa khuva ale ni mepo imbivi. ³³ Imepo imbivi nchavile nchihegile pu akhanda ukhunchova, avale pa khipuga vakhaswiga fincho nukhuta eili satugele tuleivone mu Israeli. ³⁴ Pu leino avafalisayo puvaleikhuta ihumya imepo imbivi mumakha gambaha va mepo imbivi.” ³⁵ Pu uYesu pwaleikhunchungula mbunchenge uvuvaha nuvudebe akhamala

wooni vuimanyisya munyumba nchavo inchakhwisayila pwaleikhuvavula inongwa inonu inchaludeva pwalikhvania avanu voni avuvale vatamu nuvulemale uvuleipapingi.

³⁶ Vu avile akhuvalola eikhipuga khya vanu akhava kolela eikhisa ulwa khuva vatokhile nukhwihasania ndi ng'osi inchilimbula deimi.

³⁷ Pu akhavavula avakongi vamwene akhata. "Imbene nyingi fincho pu leino avabeni vadebe.

³⁸ Pu leino mudovage khu mwene mbene avasuhage avabeni mumbene ya mwene."

Sura ya 10

¹ Pu u Yesu akhaveilanga avakongi va mwene vooni eikhinchigo nafive ile pupaninie akhavapa amakhaga khuhencha imepo imbivi nukhuponia uvutamu nuvulema wooni. ² Amatawa gavene avapositili eikhinchigo nafiveili gu aga. Utanchi ale vei Simoni (uveiva mwilangaga Petro), eilinge eilitawa, nu Andrea ununa va Yakobo unya Zebedayo, nu Yohana unu nave: ³ Nu Philipo, nu Bartelemayo, Thomaso, nu Mathayo usangunchi va songo, nu Ykobo unya Alfayo, nu Tadeo, ⁴ nu Simoni uva Mukananayo, nu Yuta uva muiskariote, uveiasambukhile uNkuludeva. ⁵ Avakongi ava khinchigo nafiveili vu avasuhile akhata khuvakaya mulekhe ukhuluta hange mumbunche vwa vasamaliya indekhe ukhwingila. ⁶ Pu beitage khung'osi incha Vaislaeli avayagile. ⁷ Vu mwiluta indumbeileilage ukhuta uludeva lwa khukyanya luhegelile.' ⁸ Muponiage avatamu munchusyage avatamu, mukhavaponiage

nukhuva valancha avanya buuba nukhuhench
imepo imbivi. ⁹ Mulekhe ukhuhava ulutalama,
almasi nukhuva nifyuma mumipakho gyeinyo.
¹⁰ Khyomela ukhwivopela eimbopo pa ncheila,
mulagegaga mwenda ungwongelile, five filato,
luve lusaga pakhova umbombi anogile ukhukava
ulahombo lwa mbombo. ¹¹ Uvu nchenge
uwavenchaga vuve vuvaha vuve vudebe
uvuyakhiva mukhwingila mulolange veeni
ukhwa uviavile igolofu pumulamage khumwene
impakha yakhiva mwihega. ¹² Numwe
vumwingile pakaya ya munu pu muvasamusye,
¹³ enave eikaya yeinogelanile ulunonche hencho
lweinyo luve pala, pu enave sapanogile pu
muve nulunonchehencho muhegage apo.
¹⁴ Pu vanave vabelile ukhuvupeileila hange
nakhukhuvapuleihincha ugumwinchova
vumwihege pa kaya eiyo pu mwikuhunage
amalunde ngeinyo ulufumbe palapala. ¹⁵ Pu
nchayeilweli nikhuvavula ukhuta, pu yeilava
huba uvuhegi uwa mbunchege uwa mu Sodom
nu wakhu Gomolah uvahegi uwavunchege uwa
vulaluteila. ¹⁶ Lola panikhuvasuha nding'osi
pagati na gati pafikana ifitalaam fidwancha,
pu muvenchage nuluhala ndinyandalwe
hange muvenchage vudekhedekhe ndigundya.
¹⁷ Mweitevekhage nukhwilolela na vanu,
pakhuva yavikhuvaheilikha khuvaheigi
vanongwa nukhuvatova hange munyumba
nchavo eincha khwisayila. ¹⁸ Pu valavagega
mbulongolo pa vanu avavaha na va nkuludeva
savuli yango, pu khive khimanyilo khuvene

nakhuva kaya. ¹⁹ Puyakhiva vikhuvakunga nukhuvaheilikha khuvavaha avavuheigi mulekhe ukhusagania agakhunchova, pakhuva unkuludeva umbalanche veiyaikhuvapinchaga palapala amamenyu agakhunchova. ²⁰ Pakhuva samwemwe mweiyakhiva minchova, pu leino uMepo uva Daada veiyainchovaga igati ndyumwe. ²¹ Pu umunu alasambukhila ulukololwe uvei vaholiwe ung'onchi yumo pwikhugega pakhubuda, na yu visa alagagila umwana vamwene, na vana valeimag nu khuvagagila avahonchi vavo nukhuva buda. ²² Pu umwe avanu vooni vikhuva vipeilaga savuli ya litawa lyango, pu ula uviyakhiva eikhiyumileincha mpakha pavusileilo veiuywa alapokhiwagwa. ²³ Pu leino yakhiva vikhuvasweima mbunchege uva muhegage mkimbeilage nukhuluta khuvunchege uvukonga, ncha yeilweli nikhuva vula samukhamale uvunchege wooni uvwa mu Israeli impakha umwana vanyamunu alava akiliwikhe. ²⁴ Asikhuli ukongi uveimanyila puikhunduteila umanyisi vamwene. ²⁵ Eikweilanile ukongi ukhuva ndu manyisi vamwene nu mbanda ukhuva ndu ntwavamwene. Einave unyakaya vapeile elitawa viita Belzabuli, puyavikhu valekha avange avaleimunyumba ya nyakaya. ²⁶ Mula dwadaga umwe, pakhuva khisikhuli eikhilava khuvutitu hange eikhilikhuvutitu khilava pavuvalafu. ²⁷ Leila eilyunikhuva vula khuvutitu pu muleinchovage pavuvalafu, na leila ailyuni khuva hehela muleinchovage khuvanu.

28 Mulekhe ukhuvadwada avibuda avibuda umbeile pu valinchilamakha agakhubuda ula unyamakha gakhubuda umbeile ni numbula yope mulwongomencho lwa mwoto ukali. 29 Pu ifiyuni fiveili safigonchiwa ni senti yeimo? Hata hivyo hakuna anayeweza kuanguka chini bila Baba yenu kufahamu. 30 Pu leino umwe nanchinchweile ncheinyo khumintwe nchivaliwe nchooni. 31 Pu mulekhe ukhudwada umwe pakhuva mufiluteilile ifiyuni. 32 Pu leino ula uveiyakhiva ikhunchova pavuvalafu pavanu vuvipulikha ukhuta amanyile une, pu nayune nilata nimanyile pamiho ga Daada vango uvakhukyanya. 33 Pu ula uveiyakhiva ikhumbela pavanu ita sanimanyile nayune punila beila pamiho ga Daada vango uvialei khukyanya. 34 Mulatenchaga pamo ninchile khuveikha ulunonchencho inkeilunga, saninchele khuveikha ulunonchencho, puneigegile eimundu khwigeida. 35 Ulwa khuva ninchile khukhuva palahania umunu nuswambe, ung'eincha nu vanina, umunu nu kwive. 36 Nu ntavangwa va munu vuvala avamukaya ya mwene. 37 Uvei aganile uvise nu vanina ukhuluteila ukhungana une sanugile palyune khangе uvei aganile unswambe nu mwaleive ukhuluteila pakhugana une sanogile palyune. 38 Pu umunu anave sitola eikhida mileihanie nukhung'onga unesanogelanile palyune. 39 Ula uveikhuvupokha uwumi vei ula uveikhuwambuncha uwumi savuli yango leino vei uywa avupokhile uwumi wa mwene. 40 Uvei ikhuvupeileila umwe ikhunyupeile ila une,

nula uveikhunyupeileila une ikhamwupeileila ula uvei asuhile une. ⁴¹ Uvei ikhumwupeileila unyamalago ulwaku inyamalago vei uywa alahombwa uluhombo ulwanyamalago. Nula uveiyakhiva iva igolofu ikhumwupeileimbo ulwavugolofu. ⁴² Ula uveiyakhiva ikhupa umo muvadebe ava, pundakhive khinywelo khimo eikhya magasi amanchinchimu, ulwakhuva umwene ikongi, lweli nikhuvavula pu umwene pusaladeila uluhombo lwa mwene.”

Mathayo 11

¹ Pwu yikhava uYesu wa maliele ukhuvavula avankongi va mwene kumi na mbili akhahege pala akhaluta khumanyisya nukhulumbielila khukhilunga ikya vene, ² uYohana waliemukheghu ngwa avile apuliekhe imbombo incha Klisiti, akhasuha ululagielo ukhugeendela khuva nkhongi avamwene, ³ vakhambuncha, “Uve ndaveve vunkwincha, apange nkhwale uyuunge uvyakhiva inkwinhanga?” ⁴ UYesu akhavamu akhata, “Mulutage mukhambule u Yohana nchila inchuomupulikhe na nchila ienchumunkhu nchivona. ⁵ Avanu avasavilola vilolaga, avifugafuga vigeendanga, avankhoma vivalanchiwaga, avanchivile viepuliekhaga, avafwile vinchukhaga ukhuva vumi, avagaanchu vilambeeliewagwa eilimenyu eilinonu. ⁶ Asayiewe uvie umwene unchila luuviepo nune. ⁷ Avanu ava vuvahegiele, u Yesu akhatengula wakhunchova na vanu inongwa incha Yohana, “Akhavavancha upwumukha

lutile khulukungu mukhakiwe khinu khikhi, ieligugu lielielikusukhaniekha nie mepo? ⁸ Inave saewo mukhahumile mukhalutiele nkwilola khikhi? Umunu uvyafwalile imienda iminonu avietama munyumba iya nkhuludeva. ⁹ Humbe munkhahegiele ukhuluta kwilola inkhikhi? Apange khukhombona unyamalago. ¹⁰ Uyou ule imbombo nchamwe chandiekhiwe, 'Mulolage, nikhunsuha umunu vango, nikhusuha khulyumwe uvakhiva ikweta injila pamiho ghakho. ¹¹ Mwidikgage, nikhuvavula ielweli asikhuli umunu uvaholiwe khudaala uvyahwanine nuu Yohana uvikhwoncha. Humbe vie iedebe mu mumbu ntwu uwa khukyanya, vie mbaha ukhulutielifa khwa Yohana uvikhwoncha. ¹² Ukhuma mumanchuva aga Yohana umwonchi ukhufikha leino, uludeva ulwa khukyanya lwa makha, avanu avanyamakha vuvitola namakha. ¹³ Ulwa khuva avanyamalago voni avandagiolo avanchovaga ukhudugha wunsiekhi ugwa Yohana. ¹⁴ Inave mukwiedihana, ukhuta vuyula uEliya, uvie avanyamalago avalikhuta ula viikyiencha. ¹⁵ Uviali ni mbulukhutu inchakhupulika apuliekhage. ¹⁶ Uvuholiwa uvu nivuhwananinche nie khikhi? vuliendavana avikhina vikhwilangana vikyega nduviengilo, ¹⁷ vita, tuvatovile iekhiwiewie khunema, twaiembiile inyimbo incha khililo samuliekhuliela.' ¹⁸ Ulwa khuva uYohana ainchile saliekhulya nu ukhunywa pwu valie khuta, 'Alieni mepo imbivi.' ¹⁹ Umwana va Adamu ainchile

aliekhulya nukhunywa valiekhuta ielya ano khangе ingaanchi, umanyani va vasangunchi avalie nimbivi!' Ulwa khuva uluhala lwa mwene luvonekha mu mbombo inchamwene.”
²⁰ U Yesu pwakhatengu ukhuvaduka mwoni muvunchege umwuo imbombo ncha mwene inchuavombile nchavonikhe, ulwa khuva savapele, ²¹ uliviekhi, Kolazini, uliviekhi Betisaida! Ukhuta imbombo imbaha nchale nchivombe khu Tilo na khu Sidoni inchivombike apa vuvakhasayiwe khatale vakhale vifwala amaguniela nukhubakha ilyeela. ²² Hange ukwiyumilinja khu Tilo na khu Sidoni ilie nchuva ilyavuhiegi ukhulutilila khuvene.
²³ Uve, Kapernaumu, wieta uyuvukhwie miekhiwa impaka khukyanya? Bakho vukhwikhaga pasi khuvufwe. Khu Sodoma khukhale khuvombekhage imbombo imbaha, nduvunchivombike khulyuve, ukhale wiva khwule ufikha ilelo. ²⁴ Ulwa khuva akhanchovile khulyuve ukhuta, yivahuoba ikhilunga ikya khu Sodoma ukhunchukha ilinchuva ilya vuhiegi ukhulekha uve. ²⁵ Unsiekhi ugwa uYesu anchovile ankhata, “Ninkhugienia Dada, Vinkhuledeva va khukyanya na Nkhilunga, ulwa khuva ukhavafihiele imbombo inchi avanyaluhala nuvumanyi, nu khuvavonekhela avasaviembiele, uvadiendulile avana avadebe.
²⁶ Ena Dada ukhuva inchi nchu nchinogile pamiho ghakho. ²⁷ Ifinu fyoni amile Udada. Hange asikhuli yuywa amanyile unswambe amanyile ywu Dada, hange asikhuli uvamanyile Udada amanyile yu mwana, nu vieumwana anganile vieikhumbonesya

Udada khumwene. ²⁸ Mwinchage khulyune mwievoni yumwe muhangayiekha, yuumwe mwitwiekhile ieminchiigo eiminchitu, une ninkhuva ghata lusya. ²⁹ Mwiyumilinchage khulyune mumanyilage khulyune, ulwa khuva une niliemwidihinchi hange nieliindenkhedekhe va numbula pwu mukhaga ulugataluko ulwa munumbula nchienyo. ³⁰ Ulwa khuva undeghehe gwango iendekhedekhe nu nchiigo ngwango impepe.

Sura ya 2

¹ Unsiekhi guula uYesu alutile akhageenda mufjalo ya vanu ielinchuva ilya sabato. Avankhongi va mwene vale nienjala pwu valiekhudanya isoncho ncha nganu valiekhusegheya mu mavokho valiekhulya. ² Avafalisayo vuvaloliele ewo, vakhambula uYesu vakhata “Uole avankongi vakho vanangile ululagielo vivombo inchusanchinogiewa ukhumba ilinchuva ilya Sabato.” ³ Pwu uYesu akhavavula akhata, “Samwiembile inchu uDaudi avombile unsienkhe uuguale nie njala, na vanu vamwene uvuale nawo? ⁴ Vwuingile munyumba iya Nguluve alikhulya ikhisyesye, khikyo sakyale kyakhula na vanu uvuale nawo, kyale kyankhula avate nkhenchi vene? ⁵ Khange samwimbile ululagielo ukhuta avatekhendu mugaati muntembile vikhuyibeda ei Sabato, ulwa khuva valievuvule uvuvivi? ⁶ Pwu nikhuva yula umwe ikhuta umbaha ukhulutielila ietembile pwale aapha. ⁷ Mwale mulumanye eile khikhuta khikhi; une nilondo iekhisa sahielonda

iefyakhusa; samukhale munkhuvahiga vavo valie vuvule ienongwa, ⁸ Ulwa khuva umwana va Adamu veimwene inkhuludeva va Sabato.” ⁹ U Yesu pwankhahega pala akhaluta muntembile yavene. ¹⁰ Lola pwu ale umunu uvyaposile inkhivokho. Pwu vankhambuncha uYesu vankhata, “Ndayiva lweli unkhumponia umunu eilinchuva ilya Sabato?” Valiekhunogwa ukhusitakha ukhuta avombile imbivi. ¹¹ U Yesu ankhavavula, “Veni umunu yuywa angave nie ng’osi yiengile ndiguli eilinchuva ilya Sabato, sakhawesye ukwingile mugaati ndiguli mukhuyihumya na makha eing’osi mundieguli? ¹² Khilieku iekhienunu ukhulutielila khuo ng’osi! Pwu yiva lweli ukhumba inonu ielinchuva ilya Sabato.” ¹³ wu akhambula umunu unla akhata, “Husya iekhievokho kyakho” Akhahusya iekheivokho nkhapona khinkha khwanana niekhieniena. ¹⁴ Avafalisayo vankahuma nkunji ankhanchovana vankhidihana umwakhumbudiela pwu vankahuma khunji vuvikhwidihana ukhubuda. ¹⁵ U Yesu wanchimanyile ienchi ankhahuma ankahega apo. Pwu avanu avingi vavo vankonga, ankhavaponia voni. ¹⁶ Ankhabencha unkhuta valenkhave ukhuvavula avanu ynkhuta umwene vyavaponninche. ¹⁷ Ukhuta linkhongane nielivanchovile unyamalago u Isaya, ukhuta, ¹⁸ Mulolage umbombi vango uvieniegaanile une muugaati munumbula yango nienganiele. Nivieka inumbula yango muugaati mumwene, unkhuta avavulaghe avanyampaji uvuhiegi. ¹⁹ Salatabeikha

hange nukhuliela na mankha; hange asikhuli uyakhiva ipuliekha iliemenyu lyamwene munjila. ²⁰ Saladeenya aligugu alepunuikhe; salanchimya ikhiesikhi eikhihumya eilyosi, ukhuduga uvuhiegi ukhuwesya. ²¹ Avanyapanji pwu vivinchaga va nuhuvila munditawa ilyamwene. ²² Pwu vankhandetela umunu uvyabifwile amiho ububu, unyaniepo imbivi khwa Yesu. Unkhuta anjaviele akhanjaviela akhapona, umunu ula akhapona ankhalola nunkhuchova. ²³ Avanu aviingi voni valienkhudegha nu nkhunchova, unkhuta “Uyu samwana va Daudi?” ²⁴ Avafalisayo vuvapuliekhe ienkiedego iekhi, vakhata, “Umunu uyu sihencha imepo imbivi khumakha agha mwene yuywa iekhencha khumankha aga Belzebuli, umbaha va mepo. ²⁵ “U Yesu aghamanyiele amasago gavene akhavavula akhata, “Inkhilunga nkhingasambunkhilanile kyene khinangienkha, uvujeenge uwa nyumba vungalekhehane vuwa savukhieme. ²⁶ Iengave Usetano inkhung'encha Usetano uniene, pwu iva inkheihambula yuywa mumbwumi uwamwene. ²⁷ Khunjiela yieliekhu uvutwa uwa mwene vuliemiekhiwa? Inave ihencha imepo imbivi khumakha aga Belizabuli, avankongi avanwene pwu vihumya khunjila yieliekhu? Khulugendo ulu valavavalamuli. ²⁸ Inave iehencha iemepo imbivi khumakha aga a Mepo uva Nguluve, uludeva ulwakhukyanya lwiva lwinchile khulumwe. ²⁹ Umunu ikwingila ndakhieki munyumba yamunu

unyamakha nukhuhiencha, vusankhungile umunu unyamakha? Pwi weesya ukhuhiencha ifinu munyumba. ³⁰ Umunu uvieavenchaga yuywa salielipupaninie nune pwu iva alivuunge nune, hange uviesilundamania nune uywa vieihasania. (itaga) ³¹ Pwu nienchova nkhulyumwe, eimbivi eiyavienchaga nulubedo avanu visyiekhiliwagwa, pwu ukhumbeda uMepo umbalanche uywa salasyiekhiliwa. ³² Uvieavinchaga uvieinchova eilimenyu vunge nu mwana va Adamu, ielyo lisyiekhiliwa. Hange uviavenchaga uvieinchova vunge khu Mepo umbalanche, uywa salasyiekhiliwa mukhilunga iekhi, na khikhilunga ikhikyuncha. ³³ Pwu uvombe umbinki ukhuva guuve ni nsenkhe inonu, apange unange uguu nange umbinkhi ugwa sekhe na nchisekhe ncha yene, ulwa khuva umbinkhi gwumanyiekhikha nisenkhe ncha yene. ³⁴ Umwe mwivaholilwa va njonkha, umwe mulievavivi, ndamuwesya ukhunchova imbombo inonu? Ulwa khuva undomo gwinchova inchihuma munumbula yamunu. ³⁵ Umunu unonu munumbula yamwene inchueivikhile inchova inonu, numunu umbivi munumbula yamwene inchova imbivi inchuivikhile. ³⁶ Lino pwu ninkhuvavula ukhuta khila limenyu ilyuinchova umunu lya lahomya eimbalilo ilinchova eilyavuhieghi. ³⁷ Ulwa khuva khumamenyu ghankho ulavalieliwa imbalielo khuvuyilweli wa mamenyu ghako ulahiegiewa.” ³⁸ Pwu avanklani na Vafalisayo vakhamwa khwa Yesu vakhata “Imanyisi, twinogwa twale tulole

iekhimanyielo ukhuhuma khulwuve.” ³⁹ Hange uYesu akhamula nu khuvavula, “Uvuholwa uvuvivi ikya vuliigu khilondo eikhimanyielo. Khisikhuli inkhiemanyilo eikyakhiva khiumila khuvene khumbe ikhiemanyilo ikya Yona unyamalago. ⁴⁰ Nduvu unyamalago uYona atamile mulitumbu eilya somba eimbaha amanchuva ghaatadatu pamusi na pakhilo, vule vule umwana va Adamu wayiva mughati munumbula ya nkhilunga khumanchuva ghadatu pamusi na pankhilo. ⁴¹ Avanu avakhu Ninawi valiema pavulongolo pavuhieghi pwu paninie na vaholwa avalieno ava. Ulwa khuva vavombile imbivi vakhapela wie lumbiliela u Yona, ulwa khuva khwale apa umunu umbaha ukhulutielila khwa Yona. ⁴² Unkhuludeva undala uvakhusikha alatogha pwu paninie khuvuhieghi na vanu avakhivumbukho iekhi nukhukhihiega ukhuta valie nimbivi. Ulwa khuva umwene akhumile uluvafu ulwa khuvusilielo wa nkhilunga ukhwincha khupuliehiencha uluhala ulwa Selemani, lola apa pwale umunu umbaha uvalutielile khwa Selemani. ⁴³ Vui imepo imbivi vunchi huma khumunu, nchihumili apoonu upwu ghasipali amaghasi vughilonda apakhughataluka, humbe pasipali. ⁴⁴ Pwu nchita, 'nighodonkha khukhaya ukhuniehumble khunyumba yango iyounihumble.' Vuikhilivukha pwivona inyumba iela yiekhuniwe yieviekiwe vunonu. ⁴⁵ Pwu iluuta inchikhunchi ghegha inchinghe imepo imbivi saba imbivi ukhulutielila khumwene, pwu nchikhwicha nchitamaga numwene

upwa lyiepo. Umwakhavelile pakhusila pwu iva pavuvivi huba pavutengulielo. Vuyakhieva khiva ikhievumbukho ikhie eikhivivi. ⁴⁶ U Yesu vuinchova na vanu avinghi, uvanina navalukhololwe vaeimile khunji, valiekhunogwa ukhunchova nave. ⁴⁷ Umunu yumo akhaluta akhambula, “Akha ujuvu vako navalukhololwo veimile panchi, vinkhukhulonda vinogwa ukhunchova nuve”. ⁴⁸ Akhamula akhata uvyambulile ujuvu vango veini? na valukholo lwango veini?” ⁴⁹ Umwene akhinula iekhievokha kya mwene khuvakhongi vamwene akhanchova, “Lola, uyoyu vie juvu vango navalunkholo lwango!” ⁵⁰ Ulwa khuva umunu uvieivombo uwieghane wa Dada vango vuuakhukyanya, umunu uyoyu vilukholo lwango, ving'anchavango hange vijyuva vango”.

Sura ya 13

¹ Eilinchuva eilyo uYesu akhakhegha munyumba akhaluta khulukhanji khu nyanja akhatama. ² Avanu avinghi valundamine, vakhanchungula, umwene pwakhingile mumbwato akhatama mughati. Avanu avinghi pwu vakheima khulukanji khu nyanja. ³ Pwu akhavavula ifinu finghi aliekhuhwananincha ni fihwani, alikhunchova, “Mlote, umbyalie alutiele khuvyala. ⁴ Aliekhuvyale ienchinghe iesekhe nchiliekhugwa mu njiela pwu fikhincha ifideghe fikhahola. ⁵ Inchinghe nchikhagwa palunalawe, incho sanchakhave ung'anga mwingi ukhuta nchimelaghe.

Nchikhamela ulwa khuva ung'anga gwale indebe. ⁶ Pwu ulunchuva lwavile lwivala lukhanyanya iemilela ulwa khuva gyale pakanya ung'anga gwale iedebe pwu nchikhuma. ⁷ Iembeyu inchienghe nchagwile mumintwinyo. Eimitwinyo gheikhakhula ghekhava mitali ukhulutielila inchene pwu nchikhalemwa ukhukhula. ⁸ Iembeyu inchienghe nchikhagwa mung'anga unonu, nchikhamela nukhuhupa, inchienghe nchikhahola mala mia moja, inchinge sitini, inchingi salasini. ⁹ Umwene uvyalienie mbulukhutu inchakhupulikha apuliekhaghe. ¹⁰ Avankhongu va mwene vakhincha vakhambuncha u Yesu, “Khinu khiekhi inkhewienchova na vanu wienchova nifiehwaniehencho?” ¹¹ UYesu akhavanda akhata, “Umwe mkhavile ukhunchimanya inchilikhuvutitu incha ludeva ulwa khukyanya, avene savakavile. ¹² Ulwa khuva umwene yuywa alienafwo ifinu uywa vie vieikyongelenchiwa ifinghe, hangha pwiva nafyo ukhulutielila. Uvalievuvule hange nakhikyo alienakyo pwu ipokhiwa kyope. ¹³ Pwu ninchova nawo khufikhwani ulwa khuva vangalolaghe savakhalolaghe. Hanghe vangapuliekhaghe valekhe ukhupuliekha, hanghe valekhaghe ukhunchimanya. ¹⁴ Eilimenyu lya nyamalago uIsaya lievombikke kuvene pwu lita, ukhupulikha mpulikhagha hanghe samukhanchimanyaghe. ¹⁵ Ulwa khuva ienumbula incha vanu ava nchivile nchitu, niembulukhuto nchavo sanchipulikha vunonu, namiho gha vene vasisilie, ukhuta valekhe

ukhulola na miho ghavene, vakhaphulikha ni mbulukhuto nchavene, vakhanchimanya ni numbula nchavene vakhasyetukha, une nikhavapokha.”¹⁶ Musayiwe ulwa khuva amiho gheinyo ghilola, nie mbulukhuto ncheinyo nchiepulikha.¹⁷ Mwiedhiekhaghe nikhuvavula, avanya malagho avingi na vanu avanya lwiedhikho vanogwagwa ukhunchivona nchila unchumukhunchivono. Valemilwe ukhunchievona, vanoghilwe ukhuphulikha imbombo iela inchumupulikha, savakhapuliekha.¹⁸ Pwu mupulikhaghe lienonongwa iya mbyalii.¹⁹ Umunu uvieiphulikha eilimenyu ilya ludeva ulwa khukyanya alekhaghe ukhuliemanya, umbivi pwu ikhwincha itola eiliekhavyaliwe munumbula mumwene. Eiyi yu mbeyu iyavyaliwe munundukhanji munjila.²⁰ Uvya vyaliwe mundunalawe vie ule uvyaliephokhie ielimenyo nukhuhovoka.²¹ Alivale eimilela mughati mumwene, lietama unsiekhe iendebe. Pwu yienghahumile ietabu apanghe ukhuhanghayiekha khu nongwa ya liemenyu, umwene pwu iviepha iembeive.²² Uvieavyaliwe mumintwinyo, uyuo vieiphulikha eilimenyu iekwaghana ni mbombo incha nkhilunga nifwa vunongwe uwankhielungha pwu nchikhu mpelela ukhuta ielimenyu lielekhe ukhupa iesekhe.²³ Uviavyaliwe mung'anga unonu. Uyuo veihola isekhe na vienchiholagha isekhe nchunyingi mala mia, iyeinge sitini, iyeingi salasini.”²⁴ UYesu akhavapha eikhikhwani eikhinghe. Akhanchova, “Uludeva

lwa khukyanya luhwanine numu yuywa avyalile iembeyu mukyalo kya mwene. ²⁵ Vuvaghonelile avanu pwu vakhancha avalughu vamwene akhavyale amanyasi munganu vakhahegha vakhaghodokha. ²⁶ Ingano yiekhamela nukhuhupha, na ghamanyasi ghope ghakhamela. ²⁷ Avavombi va nyakyalo vakhincha vakhambuncha unyakyalo vakhata, 'Khikhi sawauyale iembeyu einonu mukyalo kyako? Khikumile khikhi lino mbona ghamelile amanyasi? ²⁸ Akhavavula akhata, undughu avombile imbombo inchi.' Avavomba mbombo vakhambola vakhata, "Lino wienogwa tukhakhupule?" ²⁹ Unyakyalo akhanchova akhata, 'Mwielekhelwe, ukhuluta khukupula, ulwa khuva vumukhupula amanyasi pwu mukhupulagha nayie ngano pwu paninie. ³⁰ Mughalekhe ghakhula pupaninie ukhudugha upwakhiva gwifikha unsiekhi ugwakhubena. Unsiekhi ugwakhubena niela vavula aviebena ukhuta, 'Mutale ukhunkhupula amanyasi mughakhunghe mumwoto, pwu mulundamanie einganu tuviekhe mukhibana kyango." ³¹ U Yesu akhavavula ikhikhwani hincho ikhinghe. Akhata, "Uludeve ulwa khukyanya lukhwanine nie mbeyu iya haladali(iendebe nno) yienyo umunu atoliele akhaluta kuvyala mukyalo ikya mwene. ³² Eimbeyu eiye nini eno(ndebe) ukhulutilila imbeyu inchinghe nchoni. Vuyimela nukhukhula pwu yiekhula yive iembiekhi imbaha ukhulutilila ambiekhi eghienghe mukyalo pwu ifidege ifya munkyanya vikwinchaga vikwemaga nukhughataluka

pakyanya pa mbikhi finchengagha nuvufumba mumaswatu gha mbikhe.”³³ Akhavapha ikhikhwananincho eikhinghe akhata. “Uludeva ulwa khukyanya lukyanine nie khinu ikhilulile khikyo undala atolile akhapima ifiphimielo fidatu akhahanjania mumbutine woni vukhatutuma.³⁴ Nchoni ienchi uYesu anchovile pavanu avinghi nukhuhwananincha ifihwani. Ukhulekha ifyakhuhwananincha pwu salikhunchova khinu.³⁵ Ukhuva nchila inchanchoviwe navanyamalagho nchivonekhaghe, upwu inchova, “Uyunikyama undomo gwangho ukhuchova khufihwani. Uyuninchova imbombo nchincho nchikhale khuvutitu ukhuhuva khuvutenghulilo uwa khilunga.”³⁶ Pwu uYesu akhavalekha avanu vinghi akhaghodokha khumyave. Pwu avakhongi avamwene vakhankongha vakhata, “Utuvule vunonu ikhihwani ikyamasi mukyalo.”³⁷ U Yesu akhavanda akhata, “Uvie ivyala iembeyu inonu vei mwana va Adamu.³⁸ Eikyalo kyu khilunga; imbeyu einonu vuvana avakhuludeva. na manyasi vuvana ava ndughu untavangwa, nuu mbivi uviavyalile vei setano.³⁹ Uvubeni vuvusililo uwa khilunga, aviebena vuvasuhwa va nghuluve.⁴⁰ Amanyasi vughilundama nukhu nyanya mu mwoto, vuyilava eiwo khuvumalilo uwa khilunga.⁴¹ Umwana va Adamu alasuha avasung'wa vamwene, ukhwincha khuluondamania ukhuhuma khuludeva ulwa mwene imbombo nchoni inchikhapelagha imbivi na voni avakhavombagha inchambivi.

42 Voni valalahiwa mundighuli eilya mwoto, ukhwa khukhulava nikhililo nukhuheveta amino. 43 Pwu avanu vavo vavombagha inonu valang'ala ndielinchuva khuludeva ulwa Dada vavo. Uvyalieni mbulukhuto aphuliekhaghe. 44 Uludeva ulwa khukyanya luliehani niekhibana khikyo khiefihiele mukyalo. Umunu akhakhievona akhafiha. Munduhekhelo ulwa mwene pwu akhaluta khwighuncha fyoni fifwo akhale nafwo, nukhughula eikyalo. 45 Hange uludeva ulwa khukyanya luleindumunu unchulusi uvieilonda ulutalama ulunonu ulwa khukhava indalama inchiluteilile. 46 Aviele akhaviele uluntalama ulunonu ulualondagha, ankhaluta ankhaghuncha iefyuale nafyo fyoni ankhanchighula ulutalama uluanoghielwe. 47 Uludeva ulwa khukyanya luliehaniele ni nyafu inchilakhiwa munyanja, pwu nchi lundamania khila khinu eikhiliemaghasi. 48 Vunchidieghile avalovi pwu vikhweghela khulu nkhanji vitama pasi, pwu visalula iefinonu vinhola viveikha mu fyombo, ifisafielondiwa pwu viekhufietagha khuvutali. 49 Vuyielava eiwo eilinchuva eilya khusiliela eikhilunga. avasuhwa valukhumila, valavakhencha avavomba mbivi voni mughati mbavo vivomba ienonu. 50 Pwu valavatagha mundighuli ilya mwoto, pwu khulava nikhilielo nukhu kheveta amino. 51 U Yesu akhavavuncha munchimanyile imbombo nchoni? Avankhongi va mwene vakhanda vakhata, "Ena." 52 Pwu u Yesu ankhavavula akhata, "Khila nkhalani yuoywa

aviele nkhanghi va ludeva ulya khukyanya, akhwanine nunyanyumba uvie ihumya mukhibana kyamwene iehomya ifinu ifiepya nie finkhulu.” ⁵³ U Yesu wa maliele iefikhwane kheincho, akhakhegha pala upwuale. ⁵⁴ U Yesu wanchifikhe khukhielunga eikya khumyave ukhu aliekhunchikhuvamanyisya avanu muntembiele. Pwu valiekhudhegha valiekhuta uyuo atoliele ndakhu uluhala uolu nie fidhegho iefii? ⁵⁵ Umunu uyou samwana vaselemala? uMariamu ndasavie vanina? Avalokhololwe savuva Yakobo, Yusufu, Simoni nu Yuda? ⁵⁶ Navahanchave tulie navo apha pakhaya? Khumbe umunu uyou anchiwene ndhakhu ienchi nchoni?”. ⁵⁷ Vakhaviphinchana. U Yesu akhavavula, “Unyamulagho sakhalemwe ukhudwadiwa. Khumyave sakhadwadiwe na mumu nkhielunga ikya myiave. ⁵⁸ Pwu akhilekhelwa ukhuvomba ifiedhekho finghi khumyave ulwa khuva savaliekhumwiedhikha.

Sura ya 14

¹ Unsiekhie ghula, u Helode akhaphulikha imbombo incha Yesu. ² Akhavavula avavombi va mwene, “Uyou vi Yohana umwonchi anchukhiele ukhuhuma khuvuwe. Amakha ghamwene ghakhale ghipivomba eimbombo khumwene.” ³ Ulwa khuva u Herode amwibite u Yohana akhankhungha akhanchikhundhaha munyololo, kunongo iya Herodia, undhala uvava Filipo va nkaghaye. ⁴ Ulwa khuva u Yohana ambuliele akhata, “Salukhale lwiva lunonu ukhuva ave indhala vakho.” ⁵ U Herode

akhalonda unkhumbuda pwa akhadwada khuvanu ulwakhu avanu vambwene u Yohana ukhuta inyamalagho. ⁶ Lyavile linchuva ilya lukhenkhelo ukhumbukha eilinchuva lielyo aholiwe u Herode umwa uva Herodia akhaneva vunonu phaghati phavanu u Herode akhanogwa. ⁷ Pwa anchovile akhijyiegha akhata uyuniekhukhupa khila khinu khikyo uvywinogwa une nikhukhupa. ⁸ Umwana ula vakhanchovana nu vanina akhata, udove, "Akhuphe mukhekhombe untwe ugwa Yohana Uvikwoncha." ⁹ Untwa adwadile nukhusagha akhavona inchi mbaha, ulwakhu aeinjyeghile, pavulongolo pavanu vavo vyalinchagha ikyakhula pamesa numwene pwa khata vakhalete. ¹⁰ Akhansuha umunu ankhandete u Yohana khunyololo ¹¹ pwu vakhaghieola untwe ugwa Yohana vakhagheghela ungiencia musahani akhuphiela akhahielikha khwa vanina. ¹² Avankhonghi va mwene pwu vakha mpiemba umfimba ghula vakhaluta khusyiela, vuvasyelile vakhaluta khukhombula u Yesu, einongwa ieyo. ¹³ U Yesu waphulikhe inongwa iencho, akhahegha phala akhaluta pavutali akhatoghe munghalava akhaluta khukhilunga eikhenghe, avanu vinghi vaviele vaphulikhe ukhuta aheghile pwu vakhaghenda na malunde vakhankhonga ukhuluta khukhilungha ukhwalutiele. ¹⁴ Hanghe u Yesu akhavavona avanu avinghi phavolongolo pa mwene avankhonghile. Akhava kholela ikhiesa pwu akhavayavila avatanu vavo vainchile navo. ¹⁵ Lyakhiemihe avankhonghi va mwene

vakhaluta khumwene vakhanchova vakhata, “Apha tuliephalukhunghu eilinchuva lielutile. Vavule avanu vaghodokhaghe khuvunchenghe wa vene vakhaghule ikyakhula kya khula. ¹⁶ U Yesu akhavavula akhata ava savakhaghodokhe, “Umwe muvape eikyakhula.” ¹⁷ Vakhambula, “Apha tulienie nie fisyese fihano ni somba ieveli vuvule.” ¹⁸ U Yesu akhanchova akhata, “Mume une.” ¹⁹ U Yesu akhavavula avanu vatame pasi pamanyasi. Pwu akhatola ifisyese fihano nie somba ieveile. Akhalola khukyanya, akhamanyula akhavapa avankongi. Avankhonghi vakhavaghaviela avanu avienghi. ²⁰ Pwu vakhalya voni vakhighuta. Pwu vakhalundamania ififyasighile fikhadhiegha ifitundhu khinchigho nifi vielie. ²¹ Avanu avalile avaghosi ava elfu vahano avadala savavaliwe na vavanana vophe savavaliewe. ²² Pwu akhata khuvankonghi va mwene vienghiele muwato, vakheghe ukhulonghola ukhuluta khumwambo, umwene vuikhelagha khuvanu vavo vale vinghi. ²³ Vueilaghile khuvanu ukhuta vaghodhokhaghe, umwene pwu akhakhegha akhaluta khuvutitu khukhwisaya mwene. Yiekhava lyakhiemihe akhava mwene. ²⁴ Vuvafikhe phaghati pha nyanja ienghava pwu yieliekwelela ulakhuva khwale numbelo nukhulughuta gwale imbaha. ²⁵ Pwu pakhilo eikhilo iya nne u Yesu akhava pawipi, aliekhughenda pakyanya pa maghasi munyanja. ²⁶ Avakhonghi vamwene, vuvawene u Yesu eighenda pakyanya pamaghasi vakhadwadha vakhata khipepenchele, vankakhuta vakhapwata

khumakha khuvundwanchi. ²⁷ Nambievie u Yesu akhavavula akhata, “Vulekhe uvudwanchi, inumbula nchienyo nchielekha ukhudwada nene, mweilekhelwe ukhudwada.” ²⁸ U Petro akhanda akhata, “Ntwa, ienave veve, wiembule nayune ninche khulyuve nieghende pakyanya phamaghasi.” ²⁹ Akhanchova akhata, “Ienchaga.” U Petro akhikha mukyombo, akhaluta na malunde pakyanya pamaghasi ukhuluta khwa Yesu. ³⁰ Pwu u Petro aviele ieluta khwa Yesu akhalola unkhulughutu nu umbelo akhadwada, akhatenghula ukhwikha phasi pamaghasi, akhovela khulimenyu eilivaha akhata, “Nkhuludeva, iemokhe!” ³¹ U Yesu akhagholola eikhievokho kya mwene iembive akhamwibata akhankwegha u Petro, akhambula, “Uve ulienyu lyiedhikho ludhebe, khikhi ukhale nuvundwanchi?” ³² U Petro akhinghile mughati munghalava eimephu yiekhanunala. ³³ Avankhongi vavo vale mughati mukyombo, vakhansana u Yesu vakhanchova vakhata, “Lweli uve ulie Nswambe va Nghuluve.” ³⁴ Vuvalowiekhe vakhafikha, khukhilungha iekya khu Genesareti. ³⁵ Avanu ava khwonu ukhwa vuvalumanyile ukhuta vie Yesu, pwu valikhunchova ukhuvavula avanu avaukhwa khufilungha fifwo filiemulonkhanji mbunjenghe uwa ukhu, pwu vakhavaghegha avanu voni vavo vale vatamu. ³⁶ Pwu valiekhudova nukhusiemieliencha ukhuta tudova twiebate ulughonjo ulwa mwenda gwakho, avienghi vavo vaibiete vaponile vunonu.

Sura ya 15

¹ Pwu Avafalisayo na vankhalani ukhua ku Yerusalemu. Vakhandhutiela u Yesu vakhanchova, ² “Khikhi avankhonghi vakho vienangha indagheilo incha vaghogholo veitu? Ulwa khuva savinkhalava amavokho ghavene vuvilya eikyakhula.” ³ U Yesu akhanda akhavavula ankhata, “Mbhona na yumwe munanga ululaghilo ulwa Nguluve wuu mukhulyuphielila? ⁴ Ulwa khuva uNguluve anchovile, 'Umwiemiekhaghe udada vankho na yuo vanina vankho; uvie inkhudhukha udadaye aphanje uvanina uva mwene ukhuwa afwinchaghe.' ⁵ Hanghe umwe mwinchova, 'Uvikhumbula udadaye na yu vanina va mwene, eikhilondiwa ukhutangheiliwa avatanghe nounge khiva khisayiwe nwu Nguluve.” ⁶ Umunu uveisinkhu ndwandwa udadaye nu vanina, lua ananghiela eilimenyu lya Nghuluve khumighendele igwumwuphielile. ⁷ Umwe mwievadhesi, luononu nduvuu u Isaya anchovile mumalagho pwu akhata, ⁸ 'Avanu ava vikhunsana une khumilomo gyavene, khumbe ienumbula ncha vene nchilikhutali nune. ⁹ Ukhutekhela khuwitekhela vuvule, ulumanyisyo uluviemanyisya lya vanu.” ¹⁰ Akhavielangha avanu akhavavula, “Muphuliekhienche mulumanye— ¹¹ Khiekyo khikhwiengiela mundomo ugwamu khwisakhiviekha uvuvivi. Eikhihuma mundomo ugwamu eikyou khwio khikhumbiekha umunu uvuvivi.” ¹² Pwu avankhonghie vamwene vakhanduteila vakhambula vakhata,

ulumanyiela ukhuta Avafalisayi vakhavile viephulikha eilimenyu liela vakhaviphiele?"

¹³ U Yesu akhavavula akhata, "Eikhiemeliele kyene khikhwo Udada vango uvakhukyanya savyaliele, khilukhuphuliwa. ¹⁴ Valekhe, avo valonghonchi avabofwile amiho. Uveisilola amiho anghandongonche uniene yuywa silola, voni vuvavilie vigwa vikhwinghiela mundighuli." ¹⁵ Pwu uPetro akhamula akhambuncha u Yesu," Uluvule ikhiekanyi, ¹⁶ u Yesu ankhandha akhata, "Nayumwe mukhale samukhulumanya? ¹⁷ Samukhalumanye ukhuta eikhikyunghile mundomo khiluta mundhitumbhu, khinchitaghiwa khulinyasi? ¹⁸ Ulwa khuva iefinu fwoni iefihuma mundomo fikhuma mughati munumbula, vufieliewo ifienu fifwo vikhumbikha umunu uvuvivi. ¹⁹ Ulwa khuva einumbula yiekhumya amasago amavivi, uvubudi, uvulieghu, uvumalalaya, uvulyasi, ukhunchova uvudheisi na ghamadhusi. ²⁰ Inchi nchu mbombo nchincho nchikhumbikha umunu uvuvivi." ²¹ U Yesu pwakhahegha aphonu phala akhava pavutali akhaluta khuvunchenghe uwa Tilo nakhu Sidoni. ²² Lola pwa khincha undhala u Nkhanani ukhuhuma uluvafu ulwa, akhatoncha eilimenyu akhanchova akhata, "Inanghe, Ntwa, vinswambe va Daudi; umwalievangho alienimepho iembivi nchikhunganghayiesya eino." ²³ Umwene sakhamwamula khinu. Avakhonghi vamwene vakhandutiela vakhandhova, vakhata, "Wieng'enche aghodokhaghe ulwa khuva iekhutuyweghela." ²⁴ U Yesu akhavandha

akhata, une saniekhasuhiewe khuvanu, nliekhasukhiwe khu ng'osi inchiyaghiele incha munyumba ya Israeli.”²⁵ Umwene akhinja akham fumiela, akhanchova, “Nkhuludeva weinanghe.”²⁶ Akhandha akhata, saluvile lunonu ukhutola eikyakhula ikyavana ulakhiela iembwa,”²⁷ Akhanchova, “Ena, Nkhuludeva, nanchimbwa nchihola eikyakhula eikhigwa pasi pha mesa iya Nkhuludeva vavo.”²⁸ Pwu u Yesu akhanda akhata, “Viendhala uve, ulweidhikho lwakho luvaha. Nchivombekhe khulyuve nduvukha nogwagwa. “Umwana va mwene akhaphona usienkhe ghugwa.”²⁹ U Yesu akhahegha pala akhaluta ukhukheghelela nie nyanja iya khu Galilaya. Akhatogha khukyamba aliekhunchima ukhwa.³⁰ Avanu avienghi vakhinja khumwene, vakhavaghegha avikyafula, avasavilola, avasavinchova, avalemilwe na vanghe avienghi vavo vale vatamu. Vakhavaviekha mumalunde ghamwene valiekhupona.”³¹ Avanu pwu valiekhudhegha ukhuvona vavosavinchova vinchova, avalemilwe viva vanonu, avikwafula vieghenda, na vavo savielola vielola. Pwu vakhanghinia uNguluve uva Vanyaisraeli.³² U Yesu akhavihangha avankhonghi vamwene akhanchova, “Nikhuvankholela eikhisa avanu ulwa khuva vakhanchighagha nune amanchuva ghadatu savaliele khinu. Saniekhilaghe ukhuta vaghokhaghe nie njala ulwa khuva uyuvienchiliekhama munjiela.”³³ Avankhonghi vamwene vakhambula, “Tunchilonda ndhakhu ifisyese ifyakhwielanila avanu voni ava ukhuta

valye vighute ulwa khuva vienghi hanghe tuliéphalunyikha?" ³⁴ U Yesu akhavavuncha akhata, "Mleini fisyese fienghi?" Vakhata, "Saba, ni somba ndebe." ³⁵ U Yesu pwu akhavavula avanu akhata vatame phasi. ³⁶ Akhatola ifisyese saba nie somba, akhasana, akhamanyula akhavapa avankhonghi. Avankhonghi vakhavapha avanu. ³⁷ Avanu vakhalya vakhakwielanila vakhighuta. Pwu vakhalundamanie ifiemenyuleilo ifyasigiele fikhadhiegha fitundu saba. ³⁸ Avanu voni vavo valiele vale avaghosi avaelfu vanne avadala na vana savavaliewe. ³⁹ Pwu u Yesu akhielagha khuvanu ukhuta vaghodokhaghe na vope akhatogha munghalava ukhuluta uluvafu ulwa khu Magadani.

Sura ya 16

¹ Avafalisayo nava Sadukayo vakhincha khukhonghela u Yesu avavonesye iekhimanyielo khikyo khikhuma khukyanya. ² Akhamula akhavavula, (yienghave) lyakhiemikhe, pwu mwita eilelo khunonu, ulwa khuva uvuntandhanche wieva vudhukhu. ³ Pope panavusikhu mwienchova, 'Eilelo kwiva nie mephu, ulwa khuva khukyanya khudhukhu namaveingho ghaghubiekhe khukyanya khwoni.' Mukhiemanyile ukhulola uvutandhanche uwakhukyanya, hanghe samukhimanyile ukhulola ifivonekhelo ifya miesiekhie. ⁴ Uvuholiwa uvuvi uwa vulieghu vulondha eikhimanyilo, pwu khikhuli

eikhiemanyielo, sakhikhinche eikhimanyielo, aphanthe khila ikya Yona. ⁵ Avankhonghi vakhaluta, pwu samilwe ukhutola ifisyese. ⁶ U Yesu akhavavula “Mwilolelaghe uvinchaghe miho nuvuvivi uwa Mafalisayo nava Masadukayo.” ⁷ Avankonghi pwu vakha niehana vavo pwu vakhata, “Ulwa khuva satukhagheghe ifisyese. ⁸ U Yesu alimanyile eilyo akhanchova, “Khikhi iekyu mubenchana yumwe, umwe mwie vanyalwidhikho ludebe, ulwa khuva samukhagheghe ifisyese? ⁹ Samulumanyile bado hanghe samukhumbukha ifisyese fila vihano khuvanu ava elfu vahano, nie fitundhu filienghi fifwo malundanienche? ¹⁰ Aphanthe ifisyese saba kuvanu ava elfu vanne, ifintundhu filienghi fifyo mukhalundaninche? ¹¹ Pwu nchivile ndhakhikhi samukhalumanye ukhuta saniekha nchovangha numwe ukhulancha khufisyese? Mwilolelaghe nava Mafalisayo na va Masadukayo uvuvivi vuwa valienawo.” ¹² Pwu vakhalumanya ukhuta sakhanchova na vene ukhuta vie lolelaghe nie fisyese ifivivi, khumbe alikhunchova ukhuta vilolelaghe nava Mafalisayo na va Masadukayo. ¹³ U Yesu wanchiefieke uluvafu ulunghe ulwakhu Kaisaria iya Filipi, akhavavuncha avankonghi vamwene ankhata, “Avanu vinchova vita umwana va Adamu vita viveni?” ¹⁴ Vakhata, “Avanghe vita vie Yohana Umwonchi; avanghe vita vie Eliya; avanghe vieta vie Yerima, au uhwanine nunyamalagho. ¹⁵ Akhavavula akhata, umwe mwietu une nene veni? ¹⁶ U Simoni Petro akhamula ankhata, “Uve veve Klisiti vie mwana

va Nghuluve yuve uliemwumi.” ¹⁷ U Yesu akhamwamula akhata, “Usayiewe uve, Simoni Bar Yona, ulwa khuva unkhisa nie nyama safikhakhuvoneikhiele khwieli, ulwa khuva u Dada vangho uvakhukyanya. ¹⁸ Akhata nayuve nikhukhuvula unkhuta uve veve Petro, hanghe pakyanya phalunalawe ulu uyunienchengha iemilyangho eikya khuvufwe saghiekhawesye. ¹⁹ Une nikhukhupha ifunghulu inchakhudiendulila khuludeva ulwa khukyanya. Eikyakhiva vudhienda mukhielungha khiva khiedhendhiwe nakhukhukyanya, khiekyo khiedhiendhuliwa mukhielungha na khukhukyanya khidhiendhuliwa.” ²⁰ U Yesu akhava mbencha avankhonghi vamwene ukhuta valekhe ukhuvavula avanu voni ukhuta umwene akhale vei Klisiti. ²¹ Ukhuhuma unsiekhi ughwa u Yesu akhatenghula ukhuvavula vankhonghi va mwene, ukhuta umwene phanoghile ukhuluta khu Yerusalemu, nu khunchitesiwe khunonghwa inchielutielile na vaghogholo nuva vavaha avamakhuhani na iviesimba, nukhufwa hanghe eilinchuva eilyadhatu alanchukha. ²² Pwu u Petro ankhuntola, akhutenghula unkhudhukha, alikhuta, sio, lweli, Ntwa, inchi sanchikhakhuvone. ²³ Pwu u Yesu akhasyetuka khusana akhambula u Petro khilivukha khunsana khulyune uliesetano! Uve veve vunkhunsigha une, ulwa khuva uve savuwesya inchanghuluve, incha vanu chuwuwesya.” ²⁴ Pwu u Yesu akhavavula avankhonghi vamwene akhata, “Inave umunu inoghwa unku ng'ongha une, eisaghiele tasi

ivone yuywa, eitwienkhe iekhidhamihani kya mwene, ang'oonghaghe. ²⁵ Ulwa khuva umunu uvieinoghwa ukwiphokha uwumi uwa mwene, ayikhuvuyancha, numu uvieinogwa ukhuyancha uwumi wa mwene khulyune, ayiphona. ²⁶ Khulikhekhi umunu ukhukhava ikhilungha kyoni khanghe ayanche uwumi uwa mwene? Pwa yiekhava khikhi umunu ukhukhe uwumi uwa mwene? ²⁷ Ulwa khuva umwana va Adamu aliencha nu vuntwa uwa Dada vamwene nu va sukhwa vamwene. Pwala ng'oomba khilamunu ukhunkhonghana nie mbombo ncha mwene. ²⁸ Mwiedhikhaghe nikhuvavula, khuvale avanu avanghe aviemiela apha, vavo savalafwa upwu valava viekhombona umwana va Adamu vuinkhwincha nuvuntwa uwa mwene.

Sura ya 17

¹ Vughasisile amanchuva sita u Yesu avatoliele pwu paninie numwene u Petro, nu Yakobo, nu Yohana ulunkhololwe, akhavahielikha ukhuluta ukhutogha khu kyamba eikhitali khuvutitu. ² Khumiho khumwene khukhasyetuka khukava lumuli ndhu lwa linchuva. Emiendha gya mwene ghinkhang'ala ukhuta lumuli. ³ Pwu, vakhahumiela u Musa nu Eliya valiekhunchova nu mwene. ⁴ U Petro akhamula, akhambula u Yesu, "Ntwa, ndalwiva lunonu ufywe ukhuva apha. Unghanongwe une pwuninchengha ifye violatu khiemo kyakho, khimo kya Musa, nie khinghe kya Eliya." ⁵ Vu viphinchova, lola likhincha eiliviengho

eilivalafu, liekhaviekha eikhiphe phenchela, puvu eilimenyu likhaphulienkhikha ukhuma khuliviengho, liekhanchova liekhata, “Uyu vie mwana vangho unghane uvienie nghaniele umwene, mumphuliehienchaghe umwene. ⁶ Avankhonghi va mwene vuvaphuliekhe ewo, vakhaghwa phasi valiekhufughafugha vakhadwda eino. ⁷ U Yesu akhinja, akhoviebhata nu khunchova, “Mwieme mlekhe ukhundwada.” ⁸ Pwu vakhinula amiho ghavene khukyanya savakhakhivona khienu, vakhambona u Yesu mwene. ⁹ Vaviele vikhyikha ukhuma khukyamba u Yesu pwakhavavula akhata mkhielexhelwe ukhuvavula avanu nchincho munchiwene khunu, “Temphakha umwana va Adamu alava inchukha ukhuhama khuvufwe.” ¹⁰ Avankhonghi va mwene vakhambuncha vakhata, “Ulwa khuva khikhi avakhalani vinchova ukhuta, u Eliya alatala ukhwincha? ¹¹ U Yesu akhavamunu akhunchova, “Lweli u Eliya itala ukhwincha umwene vyalavomba nchoni inchi. ¹² Hanghe nikhuvavula umwe ukhuta, u Eliya akhinchile, umwe samukhamanye. Pwu vakhambobile nchoni inchuvakhanoghwagha avane. Vulevule umwana va Adamu wayietesiwa ewo mumavokho ghavene.” ¹³ Pwa avankhonghi vakhaluma ukhuta akhanchovagha inonghwa iencha Yohana Uvikhwoncha. ¹⁴ Vuvafikhe pavanu avinghi, umunu yuomo akhandhutiela, akhafughama khuvulongholo khumwene, pwa khambula, ¹⁵ “Nkhuludeva nidhova, unanghe umwana vangho alienielighonchi likhughwisya mumwoto aphanche mumaghasi

linkhung'angha yiesya eno ietabhiékha.
¹⁶ Niekhangheghile khuvankhonghi vakho vankhalemilwe ukhumphonia. ¹⁷ Pwu u Yesu akhanda akhata, “Umwe mwievaholwa yumwe samkhwidhikha, yuomwe muyaghile, nientamagha, numwe imphankha ndhieli? Mungheghe khulyune khunu.” ¹⁸ U Yesu akhankhemela, iemepho nchikhaheghe. Undhimi akhaphona unkhuhuma unsiekhe ghula. ¹⁹ Pwu avankhonghi va Yesu vankhandutiela ukhuvutitu vakhambuncha vakhata, “Ufwe mbona tukhalemilwa ukhukhencha?” ²⁰ U Yesu akhavavula akhata, “Ulwa khuva ulywiedhinkho lweinyo ludhebe. Mwiedhikhe nikhuvavula, inave mwiva nulwidhinkho ludhebe ndhie mbeyu iendhebe eiya haladali, ukhuta khiekheghe upwukhili pho khilelute phavunghe, kyophe khikheghe, ulwa khuva khiesikhuli eikhienu khiekyo eiyo ukhilemwa ukhuvombekha khulumwe. ²¹ (Ulwa khuva iemepho ndinchi sanchiwesya ukhuheghe, nchikheghe nukhudhova nukhufunghe). ²² Vuvakhale viphitama khu Galilaya, uYesu akhavavula avankhonghi vamwene akhata, “Umwana va Adamu iluta khuviekiwa mumavokho aghavanu. ²³ Avanu avo vikhumbudha, haghe eilinchuva eilya dhatu alanchukha.” Avankhonghi va mwene vasaghile ukhulutiélila. ²⁴ Vuvafikhe khu Kapelnaumu, avasonghasongho iya nusu sekeli vakhandutiela u Petro vakhata, “Nayu manyisi venu iehomba eisongho eiya nusu sekheli?” ²⁵ Umwene vuinghile nunyumba,

akhambuncha akhata wivuna ndakhikhi Simoni? Avakhuludeva avankhilungha aviephokhela isongho aphanthe ukhuhombencha ukhuhuma khwani? Khuvana vavene aphanthe khuvagheni? ²⁶ U Petro akhata, “Ukhuma khuvagheni” U Yesu akavavula, aviloleliwa muvakhenche ukhosongha eisongho. ²⁷ Aphanthe uyoutukhuvaviekha avasongha songho ukhutula einonghwa lutagha khunyanja, ukhalole iendhovana, ukhatole eisomba eyietala ukhwincha. Akhieva vudhiendhula undhomo gwa yeene, uyuovukhuyie vona mula isekheli yiemo. Utole ukhavape avasongha songho yieva yangho nuve.

Sura ya 18

¹ Unsiekhe ghula avankonghi vakhincha khwa Yesu valikhumbula, “Vie veni uvavile imbaha kuludeva ulwa khukyanya?” ² Pwu akhamwilangha umwa undhebe akhambiekha paghati pa vene, ³ akhanchova, “Mwiedhikhaghe nikhuvavula, munghalekhe ukhunchilekha imbivi nukhuva ndavana avadhebe, samulienghila khuludheva ulwa Nguluve khukyanya. ⁴ Uvieikhieyisya mwene ndumwa udhebe, uywa veiva iembaha khu ludheva ulwa khukyanya. ⁵ Nu vei ikhumwuphielila umwana undhebe khulitawa eilyangho iva ikhumokhela une. ⁶ Hanghe yuywa iekhunjanicha umwana undhebe yumo avikhunyiedhiekha, pwu lwiva lunonu umunu uywa ukhunkungha musingho eiliwe eilivaha elya khuhevelela, nu khunchikhuntagha

mughati munyanja. ⁷ Ole khuva nkhillungha khumbombo incha khuyancha! Ulwa khuva nchilinja inongwa inchakhuyancha, ole khumunu uveighegha imbombo incha khuyancha! ⁸ Enghave eikhievokho kyakho fikhukhu yancha, ughiedhe utaghe khuvutali nuve. Pwu lwiva lunonu khulyuwe ukwinghile khuludeva ulwa khukyanya vukhipungwikhe eikhivokho apanghe eikhilundhe. Hanghe unghave na mavokho ghavieli na malunde ghavieli utaghiwe mumwoto ghugwa saghulasila lusikhu. ⁹ Nie liho lyakho lieghukhuyanche, uliehenche, ukhalietaghe pavutali nuve. Hoba ukwinghile khuludheva nie liho leimo eililola, nukwienghila na miho ghavile, nukhitaghiwa mu mumbuhighi uwa mwoto. ¹⁰ Mlolaghe mulavabeolagha udhebe yumo va ava. Niekhuvavula avasukhwa vavo avakhukyanya amanchuva ghoni vielola phamiho pha Dada vangho yaywa aliekhukyanya. ¹¹ (“Ulwa khuva umwa va Adamu ainchile khukhie khiephokha khila iekhiyaghile). ¹² Mwilola ndakhikhi? Umunu anghave nie ng'osi miamoja, yeimo yie nghayaghe, sakhanchielekhe nchila tisini na tisa, nukhuluta khukyamba, khulonda yielu iyeyaghile? ¹³ Anghayievone iyiekhayaghila, mwiedhikhaghe, niekhuvavula, niehovokha ukhulutiela khunchila tisini na tisa nchincho sanchiyaghile. ¹⁴ Vuyie liewo ewo saphunonghile pavulongholo vetu uvakhukyanya ukhuta undhebe yumo muava ayaghaghe. ¹⁵ Ulukhololyo anghakhu nanghiele, ulute mukhanchovane

muvulane umwe mwivavile mwie vene
 inchumuyaghine, anghakhuphulikhe wiva
 weikhiliwile ulukhololwo. ¹⁶ Hanghe
 anghalekhe ukhukhuphulikha pwu untole
 uyungha umunu nu va viele nuvadaatu
 ukhuta amamenyu gha ava ghavinchaghe
 vusaidi pa vuyielweli aghivuliwa. ¹⁷ Pwu
 anghabedhe ukhuvaphuhiencha, pwu
 mukhaghuvule umpelela, pwu aghalemwe
 ukhughuphuliehiencha umpelela, pwave munu
 va khuva khulyuve ndumunu untenghe nuo
 nsongha songho. ¹⁸ Mwiedhikhaghe, mikhu-
 vavula, ikyumuphulihana ukhukhiekhunga
 mukhilungha na khukhu kyanya khiva
 khiekhunghiwe. ¹⁹ Hanghe nikhuvavula
 ukhuta avanu vavieli mughati ndyumwe
 vanghiedhiehana mukhilungha khukhinu
 ikyuvidova, iekhuvapha ikhienu ikyuvidova,
 uDada vango uvakhukya iekhuvavombela.
²⁰ Ulwa khuva avanu vavieli aphantu
 vanghalundamane pwuphaninie khulitawa
 lyangho, une pwu niva paghati pavene.
²¹ Hanghe uPetro akhincha nukhumbula
 uYesu, “Nkhuludeva, pilondiwa ulukhololyo
 akhunanghiele khalienghi pwu wiesyiekhile?
 Ndawisyiekhile mara saba?” ²² U Yesu
 akhambula, “Sanikhukhuvula ukhuta mala
 saba, hanghe unsiekhile saba mala saba.
²³ Ulwa khuva uludheva ulwa khukyanya
 lulieanile nuntwa yuomo uvieanogwagha
 ukhuliehaniania eimbalilo ukhuhuva khuva vanda
 vamwene. ²⁴ Watenghwile ukhuliehaniania
 eimbalilo ya mwene, umbanda yumo va

mwene vakhaghegha khumwene yuywa akhandhayagha, intalanta avaelfu khumi. 25 Ulwa khuva alemwagha ukhuta ihomba ndakhiexhi, untwa vamwene akhalaghincha aghunchiwe, undhala va mwene na vavana vamwene na khila khinu eikyalienakyo, nuluhombo puluvombekhe. 26 Umbendha ankaghwa, akhafughama pavulonghole pa mwene, akhanchova, "Nkhuludeva, uvinchaghe vakhu muliekhila pwu paninie nune, niekhukhuhomba khila khinu.' 27 Pwu untwa va mbandha ula, ulwakuva akholile eikhisa akhandhekha pwu akhansiekhila unkhole ngwa mwene. 28 Khanghe umbanda ula akhahuma hanghe akhambona yumo mu vavanda avanine, yuywa andhayagha unkhole idinali mia moja. Akhankwegha, akhunkhuda khusingho, nukhumbula ukhuta, 'Uhombe unkhole gwanghokhiexyo nikhukhumela.' 29 Hanghe umbandha ula unine akhaghwa nukhundhova ukhulutielila, aliekhuta, "Uve munu vakhumuliekhila, une nikhukhuhomba.' 30 Pwu umbanda uviatalile abelile. Pwu akhaluta nukhuntaqha mumbunkhungwa, imphakha akhieva ihomba unklole gwa mwene. 31 Vavile vilola avavanda avanine nchila inehivombikhe. Vasaghile eino. Puvakhincha vakhambula untwa vavo khilakhieno iekhiexvumbikhe. 32 Pwu ule untwa va mbanda ula akhamwilangha, nukhumbula, 'Uve vie mbanda vintulanonghwa, nikhakhusyiekhile unkhole gwangho gwoni ulwa khuva ukhansiemiexine eno. 33 Khekhi! Sukhalondiwaqha ukhuta uvienchaghe niekhisa

khumbanda nieno, nduvuniekhakhukholile einkhesa uve? ³⁴ Untwa va mwene akhavi epa pwu akhan'ielekha khuvavo vietesya impakha upwakhiva iehomba unkhole fyoní fifyo akhandhayagha. ³⁵ Vuyayiwa ewo u Dada uvakhukyanya wayikhuvavombela, khila munu yuywa sakhasyiekhile ulukhololwe ukhuhuma munumbula yamwene.”

Udyango 19

¹ Vu UYesununsiekhe ghula wamaliele amamenyu agho, akhahajha khu Galilaya, akhaluta khumakha incha Vayahudi khumwambo khulughasi ulwa khu Yolodani. ² Avanu avinghi pwu vakhankhonga, navophe akhavaphonia. ³ Avafalisayo vakhandutila, vakhagheda, vakhambula, “Nda yivo lweli umunu ukhundekha undhala uvamwene khu khila nonghwa? ⁴ UYesu ankhavandha akhata, samwimbile unkhuta umwene uvavumbiwe uviatlile, avumbiwe umunu ughosi nu munu undhala? ⁵ Hanghe akhanchova, khululaghielo ulwa umunu, alandhekha udadaye nu vanina vamwene pwu vivinchagha pwu paninie nuo ndhala, vamwene, vuvavieli pwu vivie nchagha umbieli ghumo. ⁶ Pwu hanghe savivinchagha vanu vavieli, pwu vivienchagha umbielie ghumo. Uvuavalunghaninche UNguluve, umunu alekhaghe ukhuvalughulula. ⁷ Vakhambula vakhata, pwu nchiva ndakhikhi UMusa avavuli ukhuta vavaphinchaghe avanu eibalula iyakhulekhehana? ⁸ Akhavula akhata, “Khunumba ncheinyo inchietu

uMusa akhavatavula ukhuvalekha avadhala vienyo ulwakhuva ukhuma khuvutenghulilo vusanchale ewo. ⁹ Une nikhuwavula umwe, khila munu yuywa akhiva iekhundhekha undhala vamwene khunongwa ieyavulighu, nukhutola undhata uyunghe, aligwiphe, vope uvieikhintola uvialekhiwe iva iendhighu. ¹⁰ Avankhonghi vakhambula UYesu vankhata ienava imbombo ncha munu nu ndhala vamwene nchinghave ewo, pusaphilondhiwa ukhutola. ¹¹ Ulwakhuva umwene akhavavula, awanu voni saviewesya uliyuophielila eilimenyu eilie; aphanche khuvala aviwesya. ¹² Ulwakhuva khuvale uwatowashi vavo vaholiwe ewo ukhuma mumatumbunghavavaninavo. Hanghe khuvale avatowashi avavombiwe ukhuva vatowashi avivikhile ukhuva vatowashi khu nonghwa iyaludeva ulwa khukyanya. ¹³ Vakhandetela avana avadhebe avavikhile amavokho pamtwe gyavene ukhuta avadhove, avankhonghi vamwene vakhavadhukha. ¹⁴ Hanghe UYesu akhanchova akhata, mvalekhe avana avadhebe vinchanghe khulyune, mulekhe. Ukhuvabencha, ulwaku avakhwanine uludedheva ulwakhukyanya lwa veene. ¹⁵ AKhaviékha amavokho ghumwene pakjanya pavene, akhahegha apho. ¹⁶ Pwu umunu yuomo akhandhutila akhambula akhata, Imanyise, nievombo eikhinu eikhikhi eikhienuno, pwu niekhave uludheva ulwa khukyanya? ¹⁷ Akhambula akhata, khikhi vukhumbuncha inongwa incha vunonu? unonu alieyumo. Hanghe unghanoghwe ukwinghiela khuwumi ulwaakhukyanya,

unchinkhonghe iendaghielo. ¹⁸ Akahambula, “chilieku?” UYesu akhanchova akhata, ienchi, “ulabudhagha, ulalighupagha, ulahienchagha, ulanchova uvudhesi. ¹⁹ Uvadwadaghe avadada vakho nayuvanina vakho, hanghe unghane uvaphawiphi phalyuve nduvu wieghanile yuove” ²⁰ Udhiemi uola akhambula, Nchoni ienchi neinchibhiete, khinu khieikhi eikhienghe khiekyo nielinivule? ²¹ UYesu akhambula, unghanoghwe ukhuva mwiedhiekhi, ulutaghe ukhaghunche fifyo ulienafyo, ukhavaphe avaghanchu, uve pwu wieva niekhibana khukyanya, pwu wienche ung'onghe. ²² Udhiemi uola aviele aphulikhe eilimenyulu lila akhahegha pale khuno aviephiele, ulwakhuva ale niekyama khanghi. ²³ UYesu akhavavula avankongi avankhonghi vamwene, mwidhikhaghe, nikhuvavula, khulava khupla akhatayieli ukhwinghile khuludheva ulwa khukyanya. ²⁴ Hanghe nikhuvavula nita piva padhekhe dheke ukhulutieliela einghamiela ukhughenda pandyangho ugwa sindhano. Nduo untayieli ukwienghida khuludheva ulwa khwa Nghuluve.” ²⁵ Avankhonghi vamwene vuviephuliekha, valiekhudhegha eino, valikhunchova, vievrni hanghe yuywa iephona? ²⁶ UYesu akhavalola akhanchova, khuvanu eilyo calienkhonghiwa, khwa Nghuluve nchoni nchivombekha. ²⁷ Pwu uPeteli akhandha, akhambula, “Lola ufwe tufu toufilekhe fyoni tukhunkhonghile uve. Pwutwikhava khikhi khumbe? ²⁸ UYesu akhavavula akhata, mwiedhikhe, nikhuvavula ukhuta umwe

yumwe mung'onghile uone, mukhilungha eikhiegheni, upwalava ietama u Mwana va Adamu pha khighoda eikyanitwa utwa mwene, nujumwe pwu mulantama pafighoda kheinchigho niefiviele, pwumuhieghagha ifikholo khienchigho niefiviele ifya Islaeli. ²⁹ Khila munu uvyayielekhile einyumba, apanghe ulukhololwe udhiemi, aphanthe udhala, aphanthe udadaye, aphanthe uvanina, aphanthe avana, aphanthe iefyalo, khulitawa eilyangho, pwu iekwupielagha mala miamoja, nukhunchitama khuwumi vuwa savulasila lusikhu. ³⁰ Humbe, avingi vavo vakhatalie vivienchagha vakhuvumalilo, hanghe vavo vakhale khuvumalielo pwuo vivinchagha khuvutenghulilo.

Undyango 20

¹ Ulwakhuva utudheva ulwakhukyanya luhwanine nu munu yuywa vienienyumba yuwa alaviele phavusi vuwikya, ukhuta khukhodova aviliema avahieliekhe khukyalo kyamwene ikya sabibu. ² Umwene wamalile ukhunchova naviliema ukhuta iekhuvahomba eilinchova limo edinali pwu akhavahieliekha khukyalo iekyamwene eikya sabibu. ³ Pwu akhahuva gwale unsiekhi ugwa saa tatu, akhavavona avanghe viemili palighunchi vavo valievuvule eimbombo. ⁴ Vophe avo akhavavula akhata mulutaghe khukyab ghangho eikya sabibu eikhilondiwa eikyalweli ukhuvaphanie khuvapha vakhaluta. ⁵ Akhahuma khanghe unsiekhi ugwa saa sita kenda, akhavomba

vulevule. ⁶ Hanghe mwuo saa khumi na moja akhahuma, akhavavona avanghe viemile, akhavavula, khikhi mwiemile apha eimusi yoni samuvombile eimbombo. ⁷ Vakhambula vakhata, asikhuli umunu yuywa atughongholiele khukhombombela, akhavula akhata mulutaghe nayumwe khu kyalo kyangho eikya sabibu. ⁸ Wavile wielile umbaha uvialolelagma pakyalo akhambula undoleli vamwene. Uvielanghe avielema uvaphe uluhombo lwavo, ukhutenghula uvakhalile ukhudhugha uvvakhatengwiele. ⁹ Vavile vienchie avasaa khumi na moja vakhavava uluhombo. ¹⁰ Vula avataliele valumanyile ukhuta viekhava uluhombo ululutieliele, na vophe vakhuphiliela uluhombo lulwa lulihaninile navakhancheliwe. ¹¹ Vuvaphokhili puvakhasagha vakhaviepha vakhambiephiela unyanyumba. ¹² Pwu valiekhunchova valikhuta, avinchilekhuvu-malilo vavombile eimbombo iesaa yeimo vuvule, nuve uvahombile tulihaniele nufwe twieyumielinche nukhughatala nulunchuva ulukhali ulwaphamusi yoni. ¹³ Vophe akhamwamula yuomo akhambula akhata, imanyani, saniekhukhosyova, ataukhidhiehane nune ukhukhuhomba ulutatama? ¹⁴ Utole uluhombo lwakho ughodhokhaghe. Nienoghwa ukhumpha uyou uvakhuvusilielo mutiehane nuve. ¹⁵ Saluononu khulwune ukhuvombela fifwo nielenafwo mumbwieghane wangho? Aphanche eiliho lyakho lieviele livivi ulwakhuva une ukhuva ienonu? ¹⁶ Vulevule avakhuvumalielo valatata, navavo vataliele

valalava vakhuvumalielo. ¹⁷ UYesu uwitogha ukhuluta khuu Yelusalemu, avatolile avankhonghe vamwene khienchigho na vavieli ukhula khuvutietu munjiela akhavavula. ¹⁸ Mulolaghe twietogha twieluta khu Yelusalemu, nu Mwana viva Adamu ienchiviekhiwa mumavokho ghu vavaha avalumbielieli na muvakhatani, avene uyuvikhung'ieghe akhuta afwe. ¹⁹ Pwu yuviekhung'umia ukhumbiekha khuvana avanyaphanchi ukhuta vankieniele, ukhunhova nukhu ntensya. Hanghe eilinchuva eilyadhatu alanchuka. ²⁰ Akhincha uvanina vavana ava Zebedayo, pwu akhaluta khwa Yesu navana va mwene, akhansana, nukhundhova eikhienu ukhuma khumwene. ²¹ Akhambula, wie nohwa khikhi? Akhambula, uchove utamule, avana vangho ava, vaieli vatame yuomo iekhirovokho eikhwakho eikyakhundyuo. Uyunghe eikhivokho eikya ng'eighe, khuludheva lwakho. ²² UYesu akhandha akhata, Samukhiemanyile eikyumudhova. Ndamukhawesye ukhunywela eikhikhombe khikyo ninywela uone? Vakhambula vakhata, "Tuwesya". ²³ Pwu akhwavula, "Lweli akhikhombe kyango uyumunywela, ukhuta ukhutama khulyune khukhirovokho eikyando nie khievokho eikyang'enghi une nillienivule uvulamuli wangho uwakhuvapha, valakhava vala vavo UDada vangho avaviekhuela uvutammo uwakhutama. ²⁴ Avankhonghi vala khienchigho vuvaphuliekhe eiwo vakhaviepha eino khualukhololwava vala vaveili. ²⁵ UYesu akhaviekingha avene akhanchovba muluomany-

ile ukhuta avalonghonchi avanyamphanchi
viekhuvalonghoncha khumakha, na vavaha
vavo vikhuvaphuliehincha nukhuvavombencha
umwe! ²⁶ Pwu sanchikhave ewo khulyumwe,
ulwakhuva umunu uvieinoghwa ukhuva
iembaha khulyumwe, avienchaghe iembombi
veinyo. ²⁷ Nu munu uvieinoghwa ukhutala
atenghule khulyume pwu ave iembombi
ienonu. ²⁸ Nduvu umunu una Adamu
saienchekhuvombeliewa, ainchile khuvomba,
nukwiehumya uwumi uwamwene ukhuva
neekhelo iya vanu avienghi. ²⁹ Wou iehegha
khu Yeliko awanu avienghi vakhankongha.
³⁰ Pwu avanu vavieli vavo vabhoofwile
amiho vatakhutama palunkhanji panchiela,
vaviele viephulekha ukhuta UYesu ieghendha
ielutaniencia phala, pwu avene valiekhukhola
nukweilangha khumakha valikhuta, ututanghe,
lentwa, viemwana va Davudi! ³¹ Avanu pwu
valiekhuyadhukha, valiiekhuta vanchinghe
mie vielekhelwe ukhunchova. Avene pwu
valiekhuphie kwilangha, hutanghe, lentwa,
mwana va davudi! ³² UYesu akhema,
akhavielagha, akhanchova, mwinoghwa
nievavombe khinukhiekhi? ³³ Vakhata,
lentwa, twinoghwa amiho gyeio ghadiendunkhe
ghalolaghe. ³⁴ UYesu akhavakholela
eihisa, akhavakhotela amiho ghavene,
usisiekhi ghughwa vakhatengule ukhulola,
vakhankongha.

Matai 21

¹ UYesu navakongi vamwene vakhava

vahengelile ukhufikha khu Yelusalemu. Puvakhaluta na khu Betifage pakhyamba eikhyamba ikhya mono. Puleino UYeisu akhavasuha avakongi vaveilei. ² Akhavavula, “Akhala mlulanghe pa vunchenge uvuvukonga, puvuminfikhe mukhweivona eilinghodge leiokungiwe pala nei khyana khya linghodge khinkungiwe paninie pumuvopole munchinghenghe khulyune. ³ Eingave umunu uveiavena angha ikhuvavula khininie. Ukhukongana neilyunevasuhile mutenhange unkuludeva aleinuvutumbwe nancho pu umunu uywa ikhuvalekha mwinchanghe na manghodge angho.” ⁴ Eili iyahumile nduvulya nchove'we nu nyamalango puleino livombekha nduvulya nchoviwe. ⁵ Mumbule ungh'ei ncha ava Musayuni, lola, khulyuve. Idekhekhe itonghile palinghodge neikhya na khyalinghodge ikhinghosi. ⁶ Puleino avakongi vaakhahengha nukhuvomba nduvu UYeisu avavulile. ⁷ Puvakhanchileta eilinghodge nei khyana khya linghodge puvakhatandancha imyenmda ngyavo palinghodge na pakhyana khya linghodge, pu UYeisu akhatama palinghodge. ⁸ Avanu vingi pakhipungha khila vakhatandancha eimyenda nghyavo munheila avange avaleikhunghida isamba puvaleikhutandancha amaswato nga samba musevo. ⁹ Ikipungha ikhikhyandongwile UYeisu na vala avava kongangha valekhyova eilimenyu valeikhuta: Hosyana mwana va Daviti anghinivwanghwe na uvei ikhwincha munditavwa lya Nkuludeva. Hosyana na

khukyanya. ¹⁰ UYeisu vwafikhe uvunche nge vwoni vukhakenyemukha nukhuta uyu veiveni. ¹¹ Ikipungha khikhamula khikhata; “Uyu vei Yeisu uva mu Nazareti eiya khu Nghalilai. ¹² Pu UYeisu akhingheila mulembile ya Nguluve pu akhava veingheila khunchi vooni avanghulangha mkhunghuncha mtembile. Heunge akhabeileivanchula ifisalati fya vala avaleikwanania indalamanifinghoda fya vanghuncha nghundya. ¹³ Akhavavula akhata, “Yeisimbiwe ukhata, “Inyumba yango yiva nyumba ya lwisayo, 'Pu leino umwe mpelile ukhuta yive manga ya vanyambuda.” ¹⁴ Pu leino avabofu va miiho na valemale puvakhahenghelela khumwene vwalei mu tembile, pu akhavuponia uvumpala vwavo. ¹⁵ Pu leino avavaha vavatekhe nchi na vamanyi vakalata vavile vafiwene ifidengho ifyu avombile, pu vavile vapulikhe pu leino avana valekhuvata, “Hosyana vi mwana va Daviti,”Pu avene nghukhavipa fincho. ¹⁶ Puvakhambula u Yeisu vakhata, “Vupuleikha eikhyuvinchova avana ava?”U Yeisu akhata, “Eena! Samweimbile mukalata upupita, 'Khumilomo einghya vana avanyehe navavo vikhyoha ukhuta umalile ulunghinwo?” ¹⁷ Pu akhavalekha akhahengha pavunchege vula nukhuluta khu Betaniya khuakhanchinghona. ¹⁸ Pavusikhu avile ivuya ukhu khuvunchege akhava, aleineinjala. ¹⁹ Pu akhanghuvuna unkuyu nghumo palukanji panjeila. Puakhahenghelela, pusakhivone khinu pabeikhi nghula anghawe amaani nghene.

Pu akhanghukotola akhata, “Ukhuhumangha leino sahula hupa isekhe isikhu nchooni.” Pu unkuyu nghula nghukhaniala palapala. ²⁰ Avakongi vavile valolile, eikhidengho eikhi vadenghile nukhuta, “Pu yeivile ndakheikhi unkuyu nghunialile akhaseikhi ndakha?” ²¹ Pu u Yeisu akhamula akhata, “Ncha yeilwei nukhuvavula, mungave mwiva nulweideikho samusinana, samukhavomba nghe ikhivombikhe khubeikhi unghwa vuvule, pu leino movambangha ifideingho nifinghe pu leino mukhukhivulangha nakhikhyamba eikhyo ukhuta khitoliwanghwe, 'nukhunchutangha munyanja pu yivombekhangha ewo. ²² Pu nghala unghinyakhiva mudova ndweisayo nulweideikho, pumukavangha.” ²³ U Yeisu avile afikhe muntembile, avavaha va vate khenchi navamanyi vakalata vakhahenghelela khumwene avile aleipa khumanyisya, “Puvakhambuncha vakhata, “Vuvomba inchi nchooni vuvombela mumakha makhi?” ²⁴ Pu U Yeisu akhavamura akhata, “Na yune nikhuvavu ncha eilimenyu leino. Leilyo munganyamule, punikhuvavula ni vomba inchi mundulanghilo lwani. ²⁵ Ulyoncho lwa Yohana - lwa humile khwani, khunyanya khuvanu?” Vakheinchofanja vavo vakhata, tungate lwa humile khunkyanya puyaikhutu vula ukhuta pukheikhi samwamwedeikhe? ²⁶ Pu leino tungate, 'lwahumile khuvanu,' Putudwada avanu ava pakhuva vooni vikhumbona u Yohana ndu munu unyamalangho. ²⁷ Pu leino vakhamwamura u Yeiau vakhata,

“Satulumanyile” Pu akhavavula khangе akhata puna yune sanikhuvavula nivomba angha mundu langhilo lwani. ²⁸ Leino pu musangha kheikhi? Umunu unyavana va veilei. Akhaluta khumwana wamweneumo akhata, 'Manango, luta khuvomba imbombo mukhyalo eikhya masilu Akhamula akhata. ²⁹ Niluta Ntwa pusakhaluta. ³⁰ Pu akhaluta khuswambe uvaveilei akhambula vuvuvwa, vupe akhata ndeili saniluta, pungela akhasangha munumbula utima nghukhambava akhadova ulusyeikhilo pu akhaluta khukhyalo. ³¹ Pu leino movana avo vaveilei aleikhu uviavombile uvunonghwe vwa vise? Vakhata ula uvaveilei, “Pu u Yeisu akhavavula akhata ncha yeilweli lweli nikhuvavula, avasanghunchi va songo navalinghu valavalongola pavulongolo pa lyumwe ukhwingila mundudeva lwa Nguluve. ³² Ulwakhuva u Yohana ainchile khulwumwe khunjeila ingolofu, pu leino umwe samwa mweideikhe, pu avasanghunchi va sango na valinghu vakhamwedeikha. Pu umwe, na pala upu mwavavonanga samulaikha deikhe. ³³ Mupuleiheinge eikhihwani eikheinge. Kwale nu munu, umunu unyalilevunchi lya kheilunga. Avyalile amasilu pu akhaveinghileila nuluveingho, puakhanchengha neikhivo eikhya khukameila amasilu, pukhayava nulukonje lwakhungulolela akhanchenga pu akha vaveikha na vanu avakhulolela akhahengha ukhulula eikhilunga eikhya pavulale. ³⁴ Useikhi ngwa vubeni vwa masilu vunghuhenghelile akhavasuha avavombi vadebe khuvavombi va

masilu vakalole amasilu ngha mwene. ³⁵ Pu leino avavombi va masilu nukhyalo vakhavibala avavombi vamwene uvu avasuhile, vakhatova yumo, uyunge vakhatova na manghanga. ³⁶ Pa seikhi unghunge unyakhyuma akhavasuha avavombi avange vuvingi ukhululeileila vala avakhatalile, pu leino avavombi va mukhyalo khya masilu vakhavatova vuvuvwa nduvuvakhatovile khuvala avakhatalile. ³⁷ Pu ukhuma pala unkuludeva ula akhasuha khanger khuvene uswambe akhata, “Vinchikhudwada uswambango.” ³⁸ Pu avavombi va masilu vala vavile va mbwene undume ula, vakhavulana, “Uyu veimwene vuhale pu leino tu bude, pu uvuhale vwa mwene tuhale ufwe.” ³⁹ Puleino vakhatola vakhatangha khunji khukhyalo khya masilu vakhabuda. ⁴⁰ Leino unyakhyalo khya masilu yakhiva eikhwincha, ayikhuvanghaha ndakheikhi avavombi va khyalo khya masilu?” ⁴¹ Vakhambula vakhata, “Avanu avavivi ava sakhavakolele eikhisa, avanu vavo yavi hombangha ukhukongana na masilu unghuvikavana yakhiva nghadulwikhe.” ⁴² U Yeisu akhavavula, “Samweimbile mumbusimbe,” eiliwe eilyu vakhaleibelile avanchenga va nyumba livile liwe lyakhwikanga ncha mu eilyo. Eilei leihumile khwa nkuludeva, pukheiswingho pa miiho geito?” ⁴³ Leino nikhuvavula, Uludeva lwa Nguluve luhengha ngha ukhuhuma khulwumwe nukhuvapa avanu vakhilunga eikhikhunchilolela iseikhe ncha nyakhyalo. ⁴⁴ Pu ula uveyiyakhiva inghwa pa liwe elyo vei uyu itikhinyuliwanghwa

vuvule. Pu leino khu ula uviyokhiva likhunghwila pulikhutikhinyula.”⁴⁵ Avavaha vavatekhenchi na va Falisai vavile vapulikhe ifihwani fya mwene, vakheivona ukhuta ikhuvanchova avene.⁴⁶ Pu leinu khila seikhi vupava leikhunonghwa ukhuta vamwibate vakhudwada ifipungha fya vanu, ulwakhuva avanu vambonangha u Yeisu ndu munu unyamalango.

Undyango 22

¹ UYeisu pu akhamula hange akhanchova nufihwani hata, “² Uludeva lwa khukyanya luhwanine ndunkuludeva uviatelikhe ifinu vutenghulani vwa munu viatolangha udala.³ Pu akhavasuha avavombi vamwene vakhaveilanghe aveilangiwa ukhwincha khwilya eikhyakhulya ekhitelekiwe eikhyavutenghulani pu avanu voni vakhabela.⁴ Unkuludeva pwakhasuha khange avavombi avange, akhavavula. Akhata “Mukhavavule voni aveilwangwa, mulole, pumeitesaminche ifinufya vutolani. Isenga nchangho ni finge ifinu ifinonile, fiheinjiwe pu fyoni neimalile ukhufitesania pu mwinchanghe khuvutenghulani tuhovokhe paninie.”⁵ Pu leino aveilangwa avo savaleikhuyi sangeila einyielango pu valeikhwiluteila nu yunge ukhwa sanghie, umo aluteile khukhyalo khwileima uyunge akhuluta khukhedengha.⁶ Avange avuvasinghile puvakhavasambukhila avavombi avasuhiwe vakhavabuda. Pu leino unkuludeva ula akalile fincho.⁷ Pu akhasuha eikhipungha

khya mwene, eikhya valwa linghoha ukhuluta khukhuvabuda vala voni avabudi vavavombi va mwene nukhuyanja uvunjenge vwavo nu mwoto. ⁸ Puleino akhavavula avavombi vamwene akhata, "Uluhekhelo lwakhulya ifyavute, ngulani lufikhe aveilangwa savanonghile. ⁹ Pu leino mulutanghe na munjeila malekhano eincha misevo voni uvuya khiva mukhuvavona muveilangenge vinchange khuhekhela uvutengulani." ¹⁰ Avombi vala puvakhaluta pa njeila eimbaha vakhaveilanghe voni avavikhuvavona avangholofu na vavivi. Uluhekhe khela lwa vutenghulani pulukhadengha avanu vuvingi avanghenji. ¹¹ Pu leino avile eingile unkuludeva ula khwilola avanghenji, vamwene pwakha vuna munyumba ya vulenghulani eiyaluhekhelo mwale umo uveisafwalile eimienda einghya luhekhelo lwa vutenghulani! ¹² Pu Unkuludeva akhambuncha akhata, 'Imanyani, vangho vwingile ndakheikhi umu nuve nsufwalile eimienda nghya vutenghulani?' Pu umunu uywa sanchove khinu akhava eikelile ukhuva pala pavutenghulani. ¹³ Pu unkuludeva akhavavula avavombi vamwene akhata, "Munkunge umunu uyu amavokho nanghamalunde pu mutanghe khunji khuhisi pu ukhwa khukhwiva nulukuto nulunghaduncho lwa mino. ¹⁴ Ulwakhuva aveilangiwa veingi avahalwa vadebe." ¹⁵ Pu ava Falisai vakhahengha vakhuluta nukhisavana umuyakhiva vikhumwibateila u Yeisu mumanyu ngha mwene. ¹⁶ Pu ava Falisai vakhasuha avakongi vavo navanya Heloti. Pukhanchita

khwa Yeisu, “Manyisi, tulumanyile ukhuta uve ulei munu vayeilwei, nukhuta vumanyesya uvunonghwe vwa Nguluve vumanyesya mumbwayeilweli. Hange savudwada uvuvaha vwa munu uvei avenchangha pakhuva savwilola khumiho umunu umwa velile. ¹⁷ Pu leinou Yeisu utuvule vwa vona ndhakeikhi? Panonghile, unkusanguncha nukhusongha eisongho khwa kesali pamo mwikho?” ¹⁸ Pu leino u Yeisu avumanyile uvvivi vwavo pu akhata, “Kheikhi munkhungela mweivangalukhi umwe? ¹⁹ Mume eindalama ya songo neilole puvakhapa eidinali. ²⁰ U Yeisu akhavavuncha, “Khiwani khyani eikhi?” ²¹ Pu vakhamula vakhata, “Khihwani Khya Kesali.” Pu humbe muhombenge khwa kesali ifyavukesali vwa mwene nei fya Nguluve mupe UNguluve.” ²² Vavile vapolikhe ewo vadenghile fincho puvakhandekha vakhanja ukhuluta. ²³ Pu eikhinghono eikhyo vakhinchaava Sadukai khwa Yeisu, avanu avavita vusikhuli uvunchikha, pu avavakhambuncha, ²⁴ Vakhata, “Manyisi, u Mose atile, umunu angafwe khita hola mwana ulukololwe ahalanghe udala ufwile pu angh'olele ulukololwe umwana. ²⁵ Pu khulyufwe kwale navana munu lekhela khumo. utanchi atolile udala pwakhafwa khitahola umwana. Pu akhandekhela ulukololwe udala. ²⁶ Pu yeikhava vuvuvwa nayulukololwe uva veilei vope na yuvadatu, pu voni saba yeikha vulevule savahole mwana. ²⁷ Pu leino udala vope nghukhafikha useikhi nghwa khufwa akhafwa. ²⁸ Pu leino khuvandukha valava vanchukhile

voni pwa lava idala vani? Pakhuva voni lekhela khumo vale nave.” ²⁹ Pu u Yeisu akhavamula akhata mwiyangha, “Mwiyangha pakhuva sambumanyile uvusimbe na nghanakha nga Nguluve. ³⁰ Pu u Yeisu akhavavula akhata, khuvunchukha khusikhuli ukhutila khuve khuvu kha pu leino viva ndavasuhwa va Nguluve khukyanya. ³¹ Hange pakhulongu ya vunhukha, samwembile eilimenyu eilinchoviwe nu Nguluve eiliita, Une neilei ³² Nguluve va Abrahamu, neilei Nguluve va Isikakha, neileiNguluve va Yakobo? U Nguluve sa Nguluve vavafwile pu Nguluve vavumi.” ³³ Pu ululundamano vavile vapulikhe ewo vadenghile fincho. ³⁴ Pu ava Farisai vavile vapulekhe ukhuta ava Sadukai, vavemilwe puvakhalundamana ava Farisai, vakhinchofanja. ³⁵ Pu umo, mwene umanyi va ndanghilo pu akhavunja elimenyu pakhunghele. ³⁶ “Pu akhata imanyisi, lyululanghilo luleikhu uluvaha ukhuluteila khunchinge mundangheilo?” ³⁷ U Yeisu pwakhamula akhata, “Ungananghe u Nguluve vakho nei numbula yakho yoni, na nghutima nghwakho nghyoni, na masagho nga luhala lwakho lwoni. ³⁸ Ulu lyululanghilo uluvaha hange lulei mbulongolo. ³⁹ Ulwa veilei luhwanine nulwa lyope lyu ulu - Unghananghe unino nduvu vwi nghanile yuve. ⁴⁰ Eindanghilo nchoni eincha va nyamalango muncheilotikhe mundangeilo eveilei inchi.” ⁴¹ Pu ava Farisai vavalundamine pupaninie, U Yeisu akhavavuncha eilimenyu. Akhata, ⁴² “Pu!, musongha ndakheikhi ukhukongana

nu keileisite? U mwene nswambe vani?" Pu avene vakhamula vakhata, "Nswambe va Daveite." ⁴³ Pu ndakheikhi, "U Daveite einchovela mwamepo ukhuta, 'U Nkuludeva ambulile u Nkuludeva vango,' ⁴⁴ Akhata tama khukhivokho khyango eikhya khundy, punikhuvaveikhangha avatavangwa vakho pasi pa malunde nghakho.'" ⁴⁵ Pu leino eingave u Daveite inchova ita veinkuludeva va mwene, "Pu ivenchangha nswambe va mwene?" ⁴⁶ Pu sa nghele umunu nayumo ukhwamula limenyu, hange ukhuhumangha eikhinghono khila sanghele munu ukhuvuncha limenyu.

Undyango 23

¹ Pu leino u Yaisu akhavavula eikhipungha khya vanu na vakongi akhata, ² "Pu avamanyi va kalata nava Farisai puvatamile eikhinghoda khya Mose. ³ Pu nchoni inchuvikhuvavula muvombange nukhukonga, punchila inchuvivomba avene mulekhe ukhunchikonga pakhuva avene einchuvi nchova nchu savivomba. ⁴ Avene, puvinkunga eiminchingho eiminehitu khuvanu einghidenya, puvikhuvatweikha avanu mumave ngha, na hali avene savinghela na padebe ukhunghipemba. ⁵ Imbombo nchovo nchoni vivuvomba ukhuta veivonie khuvanu, pu nngama sandukha nghavo melef, navuvudeikha vwa fihunilwa fyalo khumalunde vutale fincho. ⁶ Pu avene valeineikhihelehele munyumba ncha khisayila vilonda ukhutama mbutamo uvwa mufinghoda ifya vuvaha, ⁷ Pu vanave musokhoni

puvilonda ukhuta avanu vavapembenchanghe pu vinongwa ukhuta, veilangiwanghwe “Vamanyisi” khuvanu. ⁸ Pu leino umwe samnonghile ukhwilangwa “Vamanyisi,” Pakhuva u Manyisi veinyo alei umo, numwe muleivana munu. ⁹ Pu mwekhe ukhumwimeikha umunu nukhuta Daada pakhilunga, apa ulwakhuva u Dadayeito alei umo, avakhukyanya. ¹⁰ Hange mulekhe ukhwilangiwa 'Vamanyisi, 'Pakhuva muleinu-manyisi umo vope, vei keileisite. ¹¹ Pu leino umbaha mundwamwe veiva mbombi veinyo uvakhuvavombela. ¹² Pu leino uveikheiyemikha veiikhwisiwanghwa. Nuveiikheiyisya vei ikhweimekhiwanghwa. ¹³ Pu lweinyo umwe mweiva Farisai, a mweivamanya kalata! Muleivangalufu mukhuvandeindeila avanu umwumi vwa vwa ludeva lwa khukyanya, pu na yumwe samukhwinghila hange avilonda ukhwinghila samukhuvalavuleila veingheilanghe. ¹⁴ (Lweinyo mweivanyakalata na Farisai mwevanghalufu, pakhuva mwilya khuva fweile, nukhwisaya einyeisayo inali puleino puyamuheinghiwangwa uvuheinghi uvuvucha ukhuluteila”). ¹⁵ Lweinyo umwe mweivanya vakalala na mwei va Farisai, mweivanghalufu! Mlovukha inyanja mweiluta khumwambo nukhupeila umunu umo akave avupo khi nukhuva mwosivwa, puyakhiva eideikhe pu mukhupela ave vakuheingeiwa mumwoto unghwa sikhu nchoni. ¹⁶ Lweinyo mweivalonghonchi mweimu bofwile, umwe mweimwita, Umunu uveikheijyinghila mwatepeli sakhinangikhe khinu. ¹⁷ Pu leino

umunu uvejyeinghila mulutalama lwa tembile, uywa einkungile nu khwijyeingha kwa mwene. Umwe mweimubofwile hange muleivakonyofu, kheileikhu eikhivaha ulutalama ewo eitembile eiyivalancha ulutalama? ¹⁸ Hange, umunu uveikhijyeinghila panekhelo sa khinangheikha khinu. Pu ula uveikhejyeinghila pafinu ufiveikhivwe pa neikhelolei sadakha uywa veinkungile mwene. ¹⁹ Umwe mwei bofwile, khileikhu khivaha eisadakha eiyapanekhelo, ewo einekhele yeila eiyivalancha eisadakha? ²⁰ Pu leino, ula uveikhijyeinghila panekhelo, eikhijyeinghila pa eiyo hange na khufila ifilipakyanya pa nekhelo. ²¹ Pu na yu ula uvejyeinghila mutembile, eijyeinghila mweiyo na khwa ula uveitama munghati muyene. ²² Ula uvejyeinghila khukyanya, ejeingeila mukhinghoda eikhinyalwangula eikhya Nguluve na khyula uveiitama pa kyanya pakhiene. ²³ Lweinyo, mweiva manyi vakalata na mweiva Farisai, mweivangalufu! Pakhuva muhomba ifya ndevulu, nifyambilipili ni fya nbwingha napa nungu puleino munchilekhile eindangeilo eimbaha eincha unghendo ulunonu - neikhisa, nulweideikho, angho ngumunonghile ukhunghavomba pu nanghala anganghe mlukhe ukhunghalekha. ²⁴ Mweivalongonchi mweimubofwile, umwe muhuncha eimbwele pu mwimila eingameila! ²⁵ Lweinyo, mweivanyi vakalata na mwei va Farisai, mweivanghalufu! Ulwakhuva mwisukha nukhuvalancha khunji, eikhinywelo vu munghati fimonghalile, pufidenghile uvusyovi uvwakhupokha ifyuma

fya vanghe. ²⁶ Umwe mweiva Farisai mweimubofwile, muvalanchanghe tasi munghati mukhinywelo na mundelema, pu nakhukhunji khwope khuvenghanghe khuvalile. ²⁷ Lweinyo umwe, mweivamanyi vakalata na mweiva Farisai, mweivanghalafu! ulwakhuva muhwanine nuvunghuli uvuvaniasinche vononu khunji puvuvonekha vunonu munghati nghadeinghile manchenghe nghene nu vuvili. ²⁸ Pu vuvuvwa, na yumwe khunji muvonekha muleivangolofu pamiho ngha vanu, pu leino munghati mudeinghile uvunghalufu nuvutula nongwa. ²⁹ Lweinyo umwe, mweivanya kalata na mweiva Farisai, mweivangalufu! Pakhuva munjengela uvunghuli vwa vanyamalangho nukhunoncha uvunghuli vwa vangholofu. ³⁰ Pu mwita, tunghale tuvenhange khyutule ifinghono fya vankhukhu yeito satwale tuve paninie pakhududa unkisa ngwavanyamalangho. ³¹ Pumu leino mukhinchova yumwe ukhuta muleivana vavanu vavo vabudangha khuvanyamalangho. ³² Pu leino umwe mudeinche eikhingelelo khya va vise veinyo. ³³ Umwe mwe nyandalwe mweikhivumbukhu khya nyato umwe pumwipona ndakheikhi khumwoto nghwa sukhunchoni? ³⁴ Puleino, mulole, nikhuvasuha khulyumwe avanyamalangho avalei nuluhala navasimbi. Pu avange muovo umwe pumukhava budangha nukhuvatovelela pa khidameileihanie. Puavange mulavatovangha mutumbile ncheinyo

nukhuvusweima punchenghe nuvunchenghe.
³⁵ Puleino palyumwe ngulavahumeila
 unkisa nghwoni ungwavangholofu unghwa
 Hebeli nughwa sakhaliya unya velekiya
 uvaimwabudeile panghati pavungholofu
 napanekhelo. ³⁶ Pu leino, nchayeilweli,
 einchi nchoni nchiva neikhivumbukhu eikhi.
³⁷ Yerusalemu, Yerusalemu, uve weivwibuda
 avanyamalango nukhuvatova namangangavala
 avansuhiwe khulyuve, khaleingi neinonghilwe
 ukhuvalundamania pupaninia avana vakho
 nduvu eihukhu yeilundania paupa ninie
 ifinkukhu fy ayene mumapapateilo ngha
 yene, pu umwe samuleikhunonghwa. ³⁸ Lola,
 einyumba yeinyo yeivile meenakhivula munu
 unyansinghile. ³⁹ Pu leino nikhuvavula,
 samulambone khanghe ukhuhumangha leino
 nukhufikha upuya khiva mwita mwaleimi
 asayiwe uveikhwinchila munchitawa lya Ntwa.”

Undyango 24

¹ Pu u Yeisu akhahuma mutembile
 akhanja ukhuluta. Pu avakongi vamwene
 puvakhanduleila vakhambonesya einyumba
 ya Tembile. ² Pu leino akhavamula akhata,
 “Samunchi wene einchinchoni? Lweli
 nikhuvavula, ukhuta leisipali eilinganga
 eileiyakhiva lesinghala paleinge khisita
 khumamuliwa.” ³ Vu eiyeisu avie Anchitamile
 pakhyamba eikhyamono, pu avakongi vamwene
 vakha, “Vakhahenghelela, upwa leipwo
 puvakhambuncha vakhata, “Utuvule pu
 einchi yanchivombeikhangha ndeili? Pu

khimanyeilo kheikhi ekhyakhu manyeiamwo
 ukhuta vuvusileilo vwakhilungha?”⁴ U
 Yeisu akhavamula akhata, “Mulolanghe
 nukhuva miho umunu alavasyovangha.
⁵ Ulwakhuva avingi puvikhwinchangha
 munditawa lyangho vitenchangha. Une, 'Nene
 keileisite, 'Pu vikhuvasyovangha avanu vvingi.
⁶ Pumupuleikhangha amangho ni khulongu
 ncha linghoha. Mweilolelanghe mulekhe
 ukhuva nuvudwanchi uvunya khusanisya, pu
 eimbombo einchi pu chivonekhangha vuvule;
 Pu leino uvumaleilo vwa khilunga vwiva
 vukhale ukhufikha.⁷ Ulwakhuva ikhilunga
 khisambukhangha nukhukhisambukhila
 ikhilunga eikhinghe, pu nunkuhuludeva
 uvakhilunga eikhinge ikhusambukhilangha
 unkuludeva. Nine uva khilunga eikhinge,
 pukhulavanei njala neikhisenyenge khya
 khilunga khila ndimangha ukhwa nukhwa.
⁸ Pu angha nghoni nghivenchangha vwuvu
 tenghuleilo vwa vunkuveilwa.⁹ Pu
 useikhi inghwa vikhuvanghalukhilanga
 umwe pumvenchange vanjhila khinu.
 Puvikhuvabudangha. Pumuvenchangha vanu
 vansule mufilunga fyoni savali ya litawa
 lyango.¹⁰ Pu vingi vikhibhumeinchangha
 nukhunghalavandukhilanila nukhuvepeilania
 vavo khwa vavo.¹¹ Avanyamalangho vingi
 puvalahumeila nukhuvasyova avanu vvingi.
¹² Ulwakhuva uvuvi vuladeingha, ulungano lwa
 vingi lulanchinchima.¹³ Puleino uveyakhiva
 eikhiyumeileincha nakhuvusileilo vei uyu

ipokhi vwanghwa. ¹⁴ Eilei livangeili lya ludeva pulilumbeileili wanhwa mkhilunga khyoni ukhuva nghavenchange mamenyu ngakhulumanya avanu vakhilunga khyoni. ¹⁵ Pu leino, mulava mukhuluvona uluvipo lwa vuvivi, ululwanchoviwe munyamalango u Danieli lweimile baho pavalanche (uvei ikhwimba alumanye), ¹⁶ Pu avaleikhu vuyuta vinyileilanga mu fyamba. ¹⁷ Pu ula uvialei khukanu alekhanghe ukhwi kha khutola ifinu ifilimunyumba ya mwene, ¹⁸ Pu ula uvialei khukhyalo vope alekhe ukhukilivukha khutola umwenela nghwa mwene. ¹⁹ P leino lwavo vala avaleineiminchingo ghya khulola avana, navavo vikyosya ifinghono ifyo! ²⁰ Mudovanghe munyeisayo ukhuta ukhu keimbeila khweinyo khulekhe ukhuva useikhi nghwa mepo eiyahala, hange yeilekhe ukhuva khinghono khya lekhela khumo. ²¹ Ulwakhuva uvunongwe vwa khinghono eikhyo vulava fincho, uvutava vungelile ukhuhumeila ukhuhuma vukhipeliwa eikhilunga nu khufikha leino na hange savulava eikhyo lusikhu. ²² Eingave isikhu eincho nchale chiveikhiwe ndebe pu sale avepo umunu unya khukava uvupokhi. Puleino savali yava haliwa ifinghono ifyo pufiva fidebe. ²³ Puleino engave umunu yuyoni ikhuvavala ukhuta, "Ukeiliesile, aleipa ewo alei ukhu mulekhanghe ukhweideikha amamenyu angho. ²⁴ Ulwakhuva puvalavonekhanga avakeileisite avavudesi na vanyamalango avavudesi nukhupela ifidengho ifivaha iftakhu swingha,

uvufumbwe vwavo vavenchangha vufumbwe
 vwakhuyancha avanu hange navavahaliwa.
²⁵ Lola pumivapavile angaleimbulongolo.
²⁶ Puleino, vangave vikhuvavulaukhula,
 “Yeisu aleindunkunghu, 'Mlekhe ukhuluta
 ukhwa khulankunghu. Nda puvangate, 'Lola,
 aleimunyumba, 'muleideikhangha, amemenyu
 angho. ²⁷ Nduvu einjasi yeimuleikha ukhuhuma
 khuvusemo, vuteilava ewo ukhwincha khwa
 mwana vanyamunu. ²⁸ Ulwakhuva puponi pala
 apaleinufimba, unghunolile punchilundamana
 ni ngasimula. ²⁹ Leino yakhiva avanu
 vahumile pavunkuvei lwa, eilinchuva lilavahisi
 naghumwenchi sanghula muleikhangha ulumuli
 lwangwene nanchinondwe nchilalanghalangha
 ukhuhuma khukyanya navanyamakha
 khukyanya valayungeilangha. ³⁰ Pu leino
 eikhidengho khya Mwana vanya munu khila
 vonekhangha khukyanya pu avanu voni
 avankilungha valaveilangha avafivumbukhu
 fyoni. Puvalambonangha umwana va
 Nyamunu vuikhwoncha mumaveingo paninie
 navanyamakha nuvweimikhiwa uvuvaha.
³¹ Pu alavasuha avasuhwa vamwene
 nieinyovelo imbaha eiyankuva ngalape pu ava
 valavalundamania avahalwa ukhuhuma eingutu
 nchooni nchu inne, ukhuhumangha mbumaleilo
 uvu uvwa kyanya eiyei navuvumdeilo
 uvwa kyanya eiyeinge. ³² Mumanyielanghe
 emwo mndeibeikhi eilya mono. Akhaseikhe
 ulusamba vuluhelukha nakhumencha amaani,
 pumukhulumanya ukhuta useikhi unghwa
 vabeni nghuhenghelile. ³³ Leino hanghe,

yakhiva mukhunghavona angho nghoono. ³⁴ Pu mweideikha mukhuvavula ekhivu mbukhu eikhi sakhihayanghe vusanchivombikhe einchi nchooni. ³⁵ Eikhilunga eikhya khukyanya nei khya pasi khilayangha, pu amamenyu ngango sanghalayangha lusikhu. ³⁶ Pu leino useikhi neilinchuva eilya khuhumeila angha asikhuli uvyaleimanyile, pu navava vasuhwa va khukyanya vope savalumanyile, yeive veimwana va Nyamunu, pu u Daada mwene vei alumanyile. ³⁷ Nduvuyale pafinghono ifya Nwakha, vuyeilava vuvuvwa ifinghono ifyawincheilo vwa Mwana va Nyamunu. ³⁸ |Ulwakhuva ifinghono fila ifya lyongomencho vulakhale ukhufikha avanu valeikhulya mukhunywa, valeikhutengala mukhutenghuliwa pu pakha eikhinghono khila u Nwakha upwainyile mungalava, ³⁹ Pasavalumanye khinu savaleikhusa ngha pulwavile lufikhe ulyongomencho mukhiva peimba vooni vu yeilava ewo ukhwincha kwa mwana vanya munu. ⁴⁰ Pu avanu vaveilei valavenchangha khukhyalo veileima umo pu itoliwanghwa, unine isinghalangha mwene. ⁴¹ Avadala vaveilei valahevetangha palwala umo - pwipeimiwangwa umo veisinghalangha. ⁴² Pu leino, mbeinchanghe miho ulwakhuva samulumanyile sikhu nyikhi yeiyo ayikhwincha unkuludeva veinyo. ⁴³ Pu leino mulumanye ukhuta, unyakaya angale alumanye eilinchuva eilyu undyasi ikhwincha pakhuheinja, puale iva miho undyasi alekhe ukhubomola einyumba ya mwene. ⁴⁴ Pu savuli, ya

eiyo nayumwe mweisavanianghe, pakhuva paseikhe unghutava mukhunghusanghila paikhwincha u mwana vanyamunu pu ikhwincha. ⁴⁵ Pu veini umbombi ungholofu unyluhala, uvei unkuludeva vamwene apeile amakha nghavuvaha pa vala avalei mukaya ya mwene, ukhuta avape ekhyakhulya paseikhi unghunonghelanile? ⁴⁶ Ve nghatalufu umbombi uywa, uvei uNkuludeva vamwene ikhumbonangha aleipakhuvomba uvungholofu nduvwa. ⁴⁷ Ncha yeilweli nikhuvavala ukhuta Unkuludeva pwa yikhumbleikha pa finu fyonififo fya mwene. ⁴⁸ Puleino eingave imbombi imbivi angate munumbulaya mwene, 'Unkuludeva vango aleindile,' ⁴⁹ Pu akhalenghula ukhuvatova avavombi avalei pasi pa mwene nukhuvavombila fivi, pu nukhwileila nukhwinywela paninie navanghanchi, ⁵⁰ Pu Unkuludeva va mwene umbombi uywa eikhwincha paseikhi unghu sanghumanyile. ⁵¹ Pu Unkuludeva vamwene pwaladumulyania umbombe uywa mufiveilei veilei fiveilei nukhumbeikha paninie na vanghalo khukhwa pukhuvenchangha nulukuto paninie nulunghaduncho.

Udyango 25

¹ Pu uludeva lwa khukya luleindavaheinja avuvale ni nyale nchavo puvakhaluta khukhumwambeileila utenghula dala. ² Puvaleipo avaheinja vahano vale vakonyofu na vange vahano vale nuluhala. ³ Vala

vahano avakonyofu puvakhanghenga inyale nchavo khivula maveingha. ⁴ Pu leino avahenja avanya luhala vanghile namaveingha mufivo fyavo paninie ni nyale nchavo. ⁵ Pu utenghuledala aveile akelinche ukhwincha voni puvakhaghatala vakhanghonelela. ⁶ Pu leino pakilo panghati pukhukhava nei nyoveelo, vakhingho utenghuladala afikhe muhumanghe khukhumwambeileila.' ⁷ Pu useikhi ndunghu avaheinja vala voni vakhasisimukha vakhanchitesania inyale nchavo chilikhwakha. ⁸ Pu avaheinja vala avakonyofu vakhanja ukhudova amaveingha nghanyale khuvala avaheinja vahano avanyaluhala vavo vale namaveingha anghange mufivo fyavo, vakhata, 'Mtupe amaveingha manini pakhuva inyale ncheito nchilivula maveingha punchinchima ukhwakha.' ⁹ Pu leino vala avuvale nuluhala vakhamula vakhata, 'Hata ndeili pakhuva amaveingha sanghakhatukweile ufwe numwe, pu leino indutanghe mukhanghule khuvano avavinghu ncha amaveingha, pu mweinghuleile anghinyo.' ¹⁰ Pu vala vahano vavile viluta khwinghula utenghula dala akhafikha, avaheinja vala vavo vaeitesaninche puvakhinghila nutenghula dala munyumbu eiyaluhekhelu lwavatenguladala, pu ulwinchi vakhadeinda.' ¹¹ Pu ponghela pavakhincha avaheinja vala avakonyofu puvakhanja ukhukuta valeikhuta, 'Nkuludeva Nkuludeva tudunduleile.' ¹² Pu akhavamula akhata, 'Mulumanye ukhuta sameivanyile umwe.' ¹³ Pu leino muvenchanghe, miho pakhuva

samukhimanyile eikhinghono nanghuseiikhi.
14 Ulwakhuva leino puyeileihine nu munu uvaanonghwanghwa ukhunghenda pancheila ukhuluta eikhulunga eikhinghe. 15 Akhaveilanga avavanda vamwene akhaveikha uvakavi nuvumofu vwa mwene khuvavanda. Pu akhampa umo indalama ihano, uyunge akhampa eveilei, pu uyunge akhampa eindalama yeimo, nu yunghe aambeileilanga indalama ukhukongana numwavelile amakha nghanwene, pu umunu ula uveiavanghaveilanga indalama avile avapile puakhanja ukhuluta pancheila. 16 Pu useikhi nghulanghula ula uveiatolile eindama eihano pu akhaluta khunchivombeileila nukhwinchulusya pu akhakava eindalama inchinge ihano. 17 Pu nayulayula uveiaambeilile eindalama eiveirei navope akhinchulusya akhakava inchinge iveilei. 18 Pu leino umbanda uveiaambeilile indalama yeimo pu akhaluta akhanchiyava akhanghuli mbaha vamwene. 19 Pu nghwavye nghululile useikhi unghwa finghono fingi akhanchikhwincha Unkuludeva va vanda vala pu akhavala eimbaleilo navo. 20 Pu akhincha ula uveiaambeilile indalama ihano akhava ongelinche indalama inchinge ihano. Akhata Lola, pumeinchi kavaile indalama einchinghe ihano pakyanya.' 21 Pu Unkuludeva akhambula ukhata unghahile vuvonu, 'veimbanda veinonu hange uleingolofu! Pu khale ingolofu pafinini ifi. Punikhukhuveikha uveindoleli pafingi. Puleino eingheilanga muluhekhelo lwa Nkuludeva vakho.' 22 Pu umbanda uvei

aambeilile indalama iveilei akhinja akhata, "Nkuludeva, akhanule indalama eveilei. Lola, puneikavile indalama inchnge eiveilei pakyanya,' ²³ Unkuludeva vamwene akhambula akhata, "Ungahile, vononu uleimbanda nonu hange ukingholofu, ukhele ngolofu pafidebe ifi punikhukhuveikha pavuloleli uvwa fingi. Ingheila munduhekhelo lwa Nkuludeva vakho.' ²⁴ Pu pongela leino umbanda ula uveiaambeiliye eindalama eimo akhinja akhata, 'Nkuludeva, neilumanyile ukhuta uve ulei munu nkangafu. Vwibena upunsuvyalile, vulundamania patava ukhahasinie. ²⁵ Pu leino pungadwaadile pangalutile pakhufiga eindalama pasi. Lola, puleinayo apapuyeile yeila eiyakho.' ²⁶ Pu ukuludeva va mwene akhamula akhata, 'Veimbanda uve veombovi hange uleimwolo, ulumanyile ukhuta nibena patava ngavialile hange nilundamania epatava ngahasanine. ²⁷ Pukhikhale kheikhi ukhuvapa eikhuma khyango vala avikhwolosya, pu ula vuniekilivwikhe paniale nitola paninie na yeila eiyuvyolwisy. ²⁸ Puleino miita mupokhe eindalama eiyo, mumpe ula uvyaleinindalama eikhinchingho. ²⁹ Ulwakhuva avanu avaleinafyo ifinge vu ava, vikhyongele nchiwangha ukhupewa nifinge pakyanya. ³⁰ Pu umbanda uyu uveisanonghile pumutanghe muhisi eiyakhunji.' ³¹ Ulwakhuva alava ikhavincha avala ikhwincha amavana vanyamunu mumbu dwadwa Nwamwene, navasuhwa avavala nche voni paninie namwene, pu leino pwalatama pakhinghoda eikhinyalwa

ngula eikhyavutonchiwa vwa mwene. ³² Pu avanu avafilunga fyoni valalundamana pavulongolo pamwene, pu umwene alavapadula nduvu udeimi ipadula ing'osi ni mene. ³³ Pu ing'osi alanchiveikha khukhivokho eikhya mwene, eikhya khundy, pu imene alaveikha khukhivokho eikhyaheinghi. ³⁴ Pu Unkuludeva alava vula vala avalei khukhivokho eikhyakhundy, 'Alata, mwinchanghe khunu umwe mweivasayi vwa va Dada umwe, mwengheilanghe khuludeva ulu u Nguluve avaveikhile umwe ukhuhuma vukhipelivwa eikhilunga. ³⁵ Pakhuva vuneileineinjala umwe muleikhu fungheila une ifinu, upu miale palenghenelo pa njeila umwe mukhanyupeileila; upulwa toville ululakha uumwe mukhama amanghasi ngha khunywa; Upuniale khibwinda mukhafwaleincha eimienda; ³⁶ Upuniale itamu mukhandolela; upu niankungiwe nei minyololo khulupatala mwainchile khukhundola.' ³⁷ Pu leino avangholofu puvalamula valata, 'Nkuludeva, ndeili upatwakhv wene kuleinei njala, tukhakhufunghiela? Mupu vwale mululakha lwa manghasi tukhakhunywesya amanghasi? ³⁸ Hange ndeili twakhuvwene uleipalunghendo, panchiela lukhakhwambeileila? Nu pavwale vubwinda tukhakhufwaleinaha? ³⁹ Ndeili tukakhuvwene vuleitamu, na vunkhungilwe neiminyololo, uleindupatala tukhincha pakhukhulola? ⁴⁰ Pu Unkuludeva ikhuvamulangha, 'Nukhuvavula ukhuta, eideikha nikhuvavula, eikhinghelelo eikhyu

mumbobile udebe vuvuvwa, vumumbobile une.' ⁴¹ Pu ikhuvavulangha leino vala avaleikhu khivokho khya mwene eikhya heingei muhenghe khulyone, 'Mweimukotoliwe, pu mulutanghe khumwoto unghwa sikhu nchooni, unguveikhiwe suvuli ya tavangwa navasuhwa vamwene, ⁴² Ulwakhuva niale neinjala samwame eikhyakhulya, upumiale nululakha samwame amangasi nghakhunywa; Upuniale ngenji samwanyambeileila vuneile vufula samwafwaleinche; ⁴³ Upuniale itamu samwainche khukoudola; Hange nupuniale neiminyololo, ndupatala neiokungiwe samwainche khukhoundola.' ⁴⁴ Pu leino vupe avovkhwamulangha nukhuta, 'Nkuludeva, ndeili tukhakhuvwene vulei neinjala, nupu vwale nululakha, nu puvwele inghenji nu puvwale vubwinda, vwale itamu nupuvwale neiminyololo unkungiwe pu safwakhutange? ⁴⁵ Pu leino ikhuvamulangha nukhuta lwei, 'Nikhuvavula khila eikhyusa mwavavombebe nukhuvatanga vamo muvana avadebe ava pusamwa na nganghe une.' ⁴⁶ Pu leino avo vilutangha munduvungu ulwasikhu nchooni navala avangholofu vilulangha khumwoto unghwa sikhu nchooni."

Undyango 26

¹ Pu U Yeisu avile amalile ukhunchova amamenyu angha nghoni, pu akhavavula avakongi va mwene, ² "Mulumanyile ukhuta nchisinghile isikhu iveilei vuvule ukhuva pasakha, pu nayumwana va Nyamunu

vikhungha lavanchukhilangha ukhuta avungiwe.” ³ Pu pongela avavaha vavatekhenchi navanghongholo va vanu vikhwanghanila pupaninie pavanchenge vwa vutamo vwa tekhenchiumbaha, eilitawa lyamweme vei Kayafa. ⁴ Puvakhideihana ukhuta, “Tumwibate u Yeisu nukhubuda. ⁵ Ulwakhuva vaeideihine ukhuta, “Eilekhe ukhuva pakhinghono eikhivalanche pu yayipelaunchwengho pamiho ngha vanu.” ⁶ Pu u Yeisu vwaleikha Betania munyumba ya Simoni uvei ale me buba, ⁷ Pu udala umu akhincha atwalile ekhovo, eikhinyamono inonu finchopwakhahenghelela pa Yeisu akhinama nukhududeiyeila inomo khuntwe upuatamile waleipakhulya. ⁸ Pu avakongi vamwa mwene vuvalolile ndavule vakhavipa fincho pu vakhata vweikhi uvuveyanile vwakhyuma ndavule? ⁹ Nakhuva imono inchi nchale nchinghunchiwa nukhukava ikhyuma ikhilipakhyanya fincho, nukhuvatanga avanghanchu.” ¹⁰ Pu u Yeisu, akhava avamanyile amasangho nghavo pu akhata, “Kheikh mukhunghatancha udala uyu? Pakhuva khinu kheinonu eikhya ambobile une. ¹¹ Avanghanchu muleinavo ifinghono fyoni pu leino une samuleinune ifinghono fyoni. ¹² Ulwakhuva unkhundudeileila une imono inchi pa mbeilei nghwango, ambobile ewo pakhuva ikhunesania pukhusyielaune. ¹³ Ncha yeilweli nikhuvavula ukhuta, puponi upuyakhiva eilivangeili eilei lilumbeileliwa ghwa mukhilunga khyono, ikhyuavobile udala uyu pukhinchuvivwangwa mumbu nkumbuheincha

vwa mwene.” ¹⁴ Pu ukongi umo muvala khinchingho na vaveilei, unyalitawa eilei Yuta uvanu Kalyoti, puahakhuluta khuvavaha va vayekhenchi. ¹⁵ Akhata, “Pumukhuma khinu kheikhi une neinganghalavandukhe u Yeisu?” Avene pukhanghelela nukhubineila indalama eimilevula nghidatu. ¹⁶ Pu ukhuhumangha apo pwaleikhulonda akhavaleilo akhakhunghalavandukha U Yeisu. ¹⁷ Pu paleinchuva eilitanchi elya fisyesye ifilivula nsabe, avakongi vakhanduteila u Yeisu nukhuta, “Ndapi upuvwinonghwa tukhutesa neiheinche puve munu vakhulya eipasakha?” ¹⁸ Indutanghe, “Khuvanchenge pumukhumbonangha umunu umo pumumbale ukhuta, Umanyisi atilei useikhei nghwango nghuhenghelile pu nilonda ukhuleila eipasakha munyumba yakho une navakongi vango.” ¹⁹ Avakongi puvakhavomba nduvu u Yeisu avalanghiile, puvakhatesania apakhuleila eipasakha. ²⁰ Pu leino khwa vile khwilile, puakhatama navakongi va mwene pakhulya eipasakha. ²¹ Vavile vilya eipasakha akhata, “Ncha yeilweli nikhuvavula ukhuta umo ndyamwe ikhungalandukha.” ²² Pu vakhansunsuvala fincho, pu umo umo aleikhuvuncha khwa Yeisu aleikhuta, “Pamo, nene, Nkuludeva?” ²³ Pu U Yeisu akhavamula akhata, “Ula uveininchaba paninie numwene mukhi hava vei uywa eikhungalava ndukha. ²⁴ U Mwana va Nyamunu pu iluta, tuvuvu asimbiwe. Pu leino lwa mwene umunu ula uveikhunghalavanchukha u Mwana va

Nyamunu! Pu yale yiva huba khumwene umunu uywa ale ave saholiwe.”²⁵ U Yuda, ula unyakhunghalavandukha akhamula akhata, “Pu!, imanyisi?” Pu U Yeisu akhata, “uve vuwita.”²⁶ Vavile valeipakhulya pu, u Yeisu akhatwala eikhisyese akhasana, pu akhamenyula. Akhavapa avakongi vamwene akhata, “Mutolanghe, mulinchge. Unghu nghyu mbeilei nghwango.”²⁷ Pu akhatola neikhinywelo akhasana pu akhavapa akhata, “Munywenghanghe mweivoni mueikhi.²⁸ Ulwakhuva unghu unghyu nkisa nghwango unghwa lweideihano, unghududei kha pavingi pavusyiekhilo vwa mbivi.”²⁹ Pu leino nikhuvavala ukhuta, pusaneikhanywe khangen numwe, pupakha neilava ninywa upya paninie numwe pa ludeva lwa Daada vango.”³⁰ Pu leino vavile vamalile ukhwimba nukhunginia puvakhahuma khunji nu khuluta khukhyamba khya mono.³¹ Pu u Yeisu akhavavula akhata, “Ekeilo eiyei mweivoni mukalalanga savali yango ulwakhuva yeisimbiwe, punikhutova utekhenchi pu ekhipungha khya ng’osi khye vanikha.”³² Pu leino yakhiva neinchukhite, puyanikhuvalongola ukhuluta khu Galilaya.”³³ Pu U Peteli akhamula akhata, “Ndaveipungave vooni yavi vipa savuli yakho une pusanikhavipe niva paninie nuve.”³⁴ U Yeisu akhamula akhata, “Ncha yeilweli nikhukhuvula eikeilo eiyei vueilikongove leikhale ukhuvakha pu vwiva umbelile khadatu.”³⁵ U Peteli akhata, “Nu pupanonghile une ukhufwa

nuve, sanghakhubele lusikhu.” Pu nava vakongi avange vakhata vulevule. ³⁶ Pu u Yeisu akhaluta navo avakongi paluvanjan ulwa Getisamani pu akhata khuvakongi vamwene, “Mutame apa pu une neilute ukhu pakhudova.” ³⁷ Pu akhatola u Peteli navana vaveilei ava Sebedayo pu akhatengula ukhu nsunsuvala nukhuyuyuvula. ³⁸ Pu akhavavula akhata, “Einumbala yango yeinsunsuvile fincho, ulunsunsuvalo ulwakhufwa. Pu mve apa hange mve miho paninie nune.” ³⁹ Pu akhaluta pakhimbale padebe puakha nghwila, eilitumbu akhanja ikhubeileifyu kha nukhwisaya. Pwaleikhudova aeikhuta, “Daada vango, panghale pavonekhe apakhuluta eikhinywelo eikhi, eingave vunonghwe vwakho pu uvunonghwe vwakho vavombekhanghe.” ⁴⁰ Pu akhaluta pavakongi vamwene akhavona vanghonelile, pu akhambula u Peteli akhata, “Pu kheiikhi mulemilwe ukhuva miho paninie nune napaseikhi nghumo vavula?” ⁴¹ Muvenchanghe miho nukhwisaya ukhuta mulekhe ukhuva ndu nghelo. Inumbula yeidekhe umbeilei unghu nghyudekhedekhe.” ⁴² Puakhaluta khange pakhudova ulwa veilei, akhata, “Daada eingave, eikhinywelo eikhi pasipali pavunge apa akhuluta, pu uvu nonghwe vwakho vukongivwanghwe.” ⁴³ Pu akhavuya khange khuyakongi akhavona vanghonelile itulo pakhuva amiho nghovonghangatile. ⁴⁴ Pu akhavalekha khange akhaluta khudova ulwadatupu akhadova amamenyu nghunghalanhala. ⁴⁵ Pu pongela akhaluta

khuvakongi va mwene akhavavula akhata, “Pumungonelele leino mukekhe? Lola, useikhi nghuhenghelile unghu u mwana va Nyamunu pu aleipakhuva mumavokho nghavatula nonghwa. ⁴⁶ Ima tuvukhe. Lola, uba uveikhungalavandu kha ahenghelile.” ⁴⁷ Pu aveile ipinchova navo, lola uYuta umo mbakongi vala khinchingho navaveilei akhafikha, paninie. Numwene neikhipungha khya vana ikhivaha kihuilile khuvavaha vavatekhenchi navanghongholo vavanu, puvakhincha ni mundu ni mbunda. ⁴⁸ Pu ula unyakhunghalavandukha u Yeisu akhava avavilile eikhimanyeilo akhata, “Uveiyakhiva nikhunchiba, khudomo vei uywa. mumwibatanghe.” ⁴⁹ Pu ukhaluta khwa Yeisu pu akhata, “Nikhukhunya, vei Manyisi!” Pu akhanchiba. ⁵⁰ Pu u Yeisu akhata, “Imanyani, vombangha eilyuvwinchile. ⁵¹ Lola, leino vala avuvale nu Yeisu, umo pwakhangolosya eikhivokho khyamwene, akhaswekhula umundu ya mwene, pu akhatova khumbombi vatekhe nchi umbaha, pu akhamyatula eimbulukhutu ya mbombi. ⁵² Pu u Yeisu akhata, kilivula eimundu yakho veikha upuyeikhale, pakhuva voni avilwela nukhubuda neimundu puvibudi wanhwa neimundu. ⁵³ Pamo musangha mwita neilemwa ukhudova u Daada vupe puasuheile useikhi unghu eikhipungha khya vasuhwa eikhingho navaveilei nukhuluteila pakyanya? ⁵⁴ Pu leino pu uvusimbe vumanyeikhikhangha ndakheikhi uvuvwasimbiwe mukalata pu panonghelanile angha ukhuhumila?” ⁵⁵ Pa

seikhi unghwa u Yeisu akhavavula eikhipangha eikhikhya inchile pakhu mwibata akhata, “Pu! mwinchile ni mundu nembunda ukhuta mukhu mwibata unyambunda? ifinghono fyonu muleikhu mutembile neileikhuya manyisya samuleikhunonghwa ukhu puleikha! ⁵⁶ Pu leino inchi nchoni nchivombekha ukhuta punchivonekhanghe nchila unchuvasimbile mukalata avanyamalango.” Pu avakongi voni vakhande kha vakhankimbeila. ⁵⁷ Pu vala avamwibite u Yeisu puva khanghileikha khwa Kayafa, utekhechi Umbaha, pakhuva puvalundamine avamanyakalata navavaha vakhivumbukhu. ⁵⁸ Pu u Peteli aleikhukonga musana akhava patale pu akha nchifikha munyumba ya tekhenchi umbaha, akhingeila akhanchitama paninie navaloleli alole khhumeila khieki. ⁵⁹ Pu leino avavaha navatekhenchi voni paninie neikhipungha khyavanchova nonghwa vanchovangha nincha vudesi eincha khuleyela khwa Yeisu, puvabude. ⁶⁰ Nda puyeingave vavonekhe avanyakhu nchova inonghwa ncha vudesi, pasava yeivone inonghwa eiyatulile u Yeisu, puvakheihumia avanchova nonghwa vaveilei pavubulongolo Vakhata, “Umunu uyu aatile, ⁶¹ “Aleina makha nghakhumamula eitembile ya Nguluve nukhunchenga pafinghono fidatu.” ⁶² Pu utekhenchi umbaha akhima akhambuncha akhata, “Savukhwamula limenyu? Ava vinchova nyikhi palyuve?” ⁶³ Puu Yeisu akhanchingha mye. Utekhenchi umbaha akhambula akhata, “Nduvu u Nguluve uveikhwale itama

niita utuvule, eingave uve veve keileisite, Mwana va Nguluve.” ⁶⁴ U Yeisu akhamula akhata, “Uve veve vwinchova ewo paleino nukhukhuvula niita ukhuhumangha leino vuvonngaha umwana Vanyamunu atamile khukhivokho eikhyakhundyo eikhinyamakha vuikhwincha khumaveingo anghakhukyanya.” ⁶⁵ Pu utekhenchi umbaha akhalendula eimienda nghyamwene akhata, “Vubeingha sayilondiwa khange ukhulonda avanu avakhu tutanga ukhunchova? Lola, mumalile ukhupuleikha vuiubeingha. ⁶⁶ Leino! Pu musangha kheikhi? Vakhamula vakhata, “Anonghile ukhubudiwa.” ⁶⁷ Pu vakhabehele amati khumiho, vakhatova nimbuli, vakhatova na mapi, ⁶⁸ Nukhuta, “Putenghuleila veeni uvei akhutovile?” ⁶⁹ Useikhi unghwa u Peteli atamile khunji khuluvanja, pu udala umo umbombi akhanduteila akhata, “Uve na yuve ukhale paninie nu Yeisu uvamunu Galilai.” ⁷⁰ Puakhabela pa vanu voni akhata, saneinchimanyile einchuvwinchova.” ⁷¹ Avile ihuma pandyango, udala uyunge umbombi akhavavwa avanuavavale epwo pala akhata, “Umunu uyu vope akhale paninie nu Yeisu uva mu Nazaleti.” ⁷² Akhabela hange akhijyiengha akhata, “Une sanimanyile umunu uyu.” ⁷³ Pu akhaseikhi khadebe, vala avuvale pwuvale pala vavo vale pipi nave u Peteli, “Vakhata lveli uve uleinine va Yeisu pakhuva nayeinchovele yakho yivonesya.” ⁷⁴ Pu akhatengula ukhwijyiengha mukhwikotola aleikhutu, “Saneimanyile umunu unywa,” Pu eilikongove leikhavekha. ⁷⁵ U Peteli

akhankumbukha amamenyu unghuavuliwe nu Yeisu, “Eilinkongove vusaleiveikhile yavukhumbela khadatu.”

Undyango 27

¹ Pu useikhi unghwa pavasikhu nghwavile ngufikhe avavaha voni avavatekhencha navavaha vavanu pu vakhalundamana pakhunchovana umwakhubudeila u Yeisu.

² Puvakhankunga vakhandonghoncha ulukhuluta khwa piate undolei va khilungha.

³ Pu leino u Yuta, uvei anghalavandwikhe u Yeisu avye avwene valamwile ukhuta u Yeisu vabude, pu einumbula yeikhambava pu akhaluta khukilivula indalama inchuvapile eimilevulu gheidatu, ⁴ akhavakilivuleila avatekhenchi avavaha na vanyivaha, U Yuta akhata, “Neitulile einongwa pakhunghunghalavandukha unkisa unghule nchila nongwa.”puleino vakhata, “Yeikhutuvumbuleila kheikhi ufwe? Pu angho vweilolehanghe yuve.”

⁵ Pu leino umwene akhalaha pasi indalama munyumba eimbalanche pavalekhinchi uvuva pile pu umwene akhaluta khukhilulikha. ⁶ Umbaha vavatekhenchi akhanjitova indalama nchila unchu alahile pasi vakhata, “Vakhata salunonu ukhuveikha mundisanukha lya ndalama incha pelela, pakhuva ndalamanha nkisa inchi.”

⁷ Puvakhinchofanja pupaninie voni vakhidei hana ukhuta puvanguleile eikhulunga, eilileivunchi lya mbumbafivya vakhata pupakhusyiela avanghenji. ⁸ Pu leino eililevunchi leila likheilangiwa,

“Lilevnji lya nkisa” nanchi sikhu inchi.
9 Puleino eilimenyu leila eilyulya nchovivwe munyamalangho U Yeleimia puleikhava leimalile ukhuvombekha upuatenchangha, “Vatwalile indalama eimilevulu nghidatu, eilinghunchi eilyakhunghula umwene, eilinghunchi eilyangu nchiwe na vanu vanu Israeili ya mwene, 10 Puvakhavombela ukhunghuleila eililevunchi lyambumba fiyya, nduvuandanghile Unkuludeva.” 11 Pu leino u Yeisu akhima pandoleili vakhilunga, pu undoleli akhambuncha, “Pu uve veve Nkuludava va Vayuta?” U Yeisu akhamula akhata, “Uveve vuvwita.” 12 Puleino vavile vikhumbuleila avavaha va vatekhenchi navanyivaha, sa amule limenyu. 13 Pu U Pilato akhambuncha akhata, “Pusavupuleikha unghuvikhuvuleila uve?” 14 Pu umwene samwamule eilimenyu naleimo, pu undolaili vakhilungha akhaswingha fincho. 15 Pu leino pakhinghono eikhivalanche lwale lwiho lwa Vayuta ukhudeinduleila unkungwa umo uveiahaliwe nei khipungha khya vanu. 16 Pu useikhi nghula khwale nu nkungwa vanyololo unduti ale vei Balaba. 17 Pu leino vavile valundamine pupaninie avanu pu u Pilato akhava vuncha, “Mwinonghwa neideinduleile uveni?” Pamo neuvadeinduleile U Balaba pamo U Yeisu uveikheilangiwa veikeileisite?” 18 Avavunchinche pakhuva alumanyile ukhuta vikhungheingha u Yeisu savuli ya khivini. 19 Puavile atamile pakheinghoda khya mwene eikhya khuheingheila pu udada va mwene akhasuheila eilimenyu eilita, “U lavombangha

kheininie khumunu uywa umbula nonghwa. Pakhuva neinghatanchiwe fincho eilelo munjosi savwi ya munuuywa.”²⁰ Pu leino avavaha vavatekhenchi na vanyivaha vakhavasonga ikhipungha vadovanghe ukhudei nduleila u Balaba, pu u Yeisu abudiwe.²¹ Undoleli vakhilunga akhavavuncha akhata pa ava vaveilei aleikhu mwinonghwa neideinduleile khulumwe?” akhata, “Balaba.”²² Pu u Pilato akhavavula, “Pu neinghale ndakheikhi u Yeisu uvei ikheilangiwa keileisite?” Voni vakhamula vakhata, “Aloveleliwe pakheidameileihanie”²³ Undoleli vakhelungha akhavuncha, “Akhata avombile vuvivi vukhi?” Pu avene valeikhyo vela fincho amamenyu, “Alovelelwe.”²⁴ Pu u Pilato avile avwene savikumweidei kha vanghanghile nukhyovela pu akhatola amanghasi akhakalava amavokho eikhipungha vukhilola, akhata, “Neileimbulanonghwa pa nkisa nghwa munu uyu ungholofu pu mweilolelanghe yumwe angha.”²⁵ Avanu voni vakhata, “Unkisa nghwa mwene nghuvenchanghe palyufwe na vana veito.”²⁶ Pu akhadeinduleila u Balaba pu umwene, u Yeisu akhatova ni mbeikhi pu akhavapa avene vakhatovelele pakheidameileihanie.²⁷ Pu leino avasikhali vandolela khilungha vakhatola u Yeisu ukhuluta munyumba eiyakhupembenukhila avasikhali voni vakhalu ndamanapa pa Yeisu.²⁸ Pu vakhafula eimyenda nghyoni vakhafwaleincha unghwanyingeileincha ufuveifu. Pu vakhahona uludenghuleilo

ulwa motoni puvakhaveikha patwe nghwa mwene, puvakha veikha neilinghunghu khukheivokho khya mwene eikhyandyo. ²⁹ Puvaleikhufunghama pavulongolo pamwene vale khuta, “Tupepencha khuvinkulu aleva vava vayuta, “Pu valeikhukineila?” ³⁰ Vakhabe hela amati, vakholola eilinghunghu vakhatovela patwe. ³¹ Puvavile vikhukineila vakhafwa unghwanyinjei leincha vakhafwaleincha eimienda nghya mwene, puvakhandongoncha ukhuluta khukhutovelela pakhidameileihanie. ³² Vavile vahumile khunji, vikhambona umunu uva khukilene eilitavwa lya mwene ale vei Simoni, puvakhatola vope ukhuta apeimbe eikheidameihanie. ³³ Puvavile va fikhe aponu apikheilangiwa pupa Goligota, khukhuta pupavunyali vwantwe.” ³⁴ Pu vakhampa na masilu unghu vahanchinche nei nyongo vakhata anywe. Pu leino avile einonchanjinche mundomo sanywe. ³⁵ Pu vavile vato velile pakhida meileihanie puveleikhuncha eimienda nghyamwene nukhutenghuleila. ³⁶ Puvakhatama valeikhundolela palapala. ³⁷ Pantwe pa mwene puvakhaveikha amamenyu unghuvasimbile vakhata, “U YU VEI YEISU, UNKULUDEVA VA VAYUTA.” ³⁸ Pu vakhatovelela paninie na vanyambuda vaveili umo akhava khundy u yungekhu heinghe. ³⁹ Vala avaluteisyaniangha pala puvale khufwe yula nukhutingha eimintwe nghyavo. ⁴⁰ Puvalei khuta, “Uve yuve ukhatenchangha yavumamula einyumba eimbalanche pu vunchengha khufinghono fidatu, pu vweipokhe yuve! Ungave

ulei nswambe va Nguluve, pu vwikhe apo pakhidameileihanie!" ⁴¹ Navope ava vaha va valekhenchi nava manyakalata navanyivaha pu valeikhu fweyula valeikhuta, aleikhuvapokha avange pu ilemwa ukweipokha yu mwene, ⁴² "Umwene, vei Nkludeva vaka yuta pu eikhe pasi pakhida meileihanie putukhu mwedeikhangha. ⁴³ Aleikhwi huveila kwa Nguluve. Pu ndekhe u UNguluve apokhe leino engave inonghwa pakhuva aleikhuta, 'Une neileinswambe va Nguluve.'" ⁴⁴ Pu avanyambuda vala uvuvatovelilwe paninie nu Yeisu navope vakhadukha u Yeisu. ⁴⁵ Pa seikhi unghwa ntanato pakhova neihisi eikhilunga khyoni ukhufikha useikhi unghwa budeikha khumo. ⁴⁶ Unghwa vile nghufikhe useikhi unghwa budekha khumo u Yeisu akhakuta fincho akhaleila akhuvela akhata, "Eloi Eloi, Lamasabakitani?" khukhuta, "VeiNguluve, vango vei Nguluve, vango kheikhi undeikhile?" ⁴⁷ Avange vavo valepo vuikuta ndavule, pu vakhata, "Ikhumweilanga u Eliya." ⁴⁸ Pu umo khimbeivimbeivei akhanyila akhanchitola akhanda akhanchaba nu sinki pu akhaveikha palunghunghu akhanywesya. ⁴⁹ Pu avange vavo vasinghile vakhata, "Indekhetulole eingave u Eliya ayikhwincha khukhapokha." ⁵⁰ Puleino u Yeisu akhakuta akhaleila akhoveela akhadumukha einumbula ya mwene. ⁵¹ Pu eilivaleikha lya mutembile leikha niefukha leikhava ng'ana khunu na khunu ukhuhuma khukyanya ukhufikha pasi. Pu nakhikhilungha khikhalindima na manalawe nghakhabandukha.

⁵² Uvunghuli vukhenchembukha, eimiveilei nghya vanu avangholofu avuvangonelile itulu vakhanchukha. ⁵³ Vakhahuma mulunghuli avile anchukhile umwene, puvakhingeila mumbunchenghe uvuvalanche vakhavonekha khuvanu vingi. ⁵⁴ Pu leino unalongonchi vavasikhali na vala avalolelangha khwa Yeisu vakhivwene eikhisenyenge vukhilindima ni nchooni inchunchavonekhangha, puvakhava nuvundwanchi fincho valeikhuta, “Lweli uyu akhale nswambe va Nguluve.” ⁵⁵ Vale epwo avadala pala avakongangha ukhuhuma khu Galilai ukhwincha khukhoutanga vale palapala valeikhulola vavaleipavutale. ⁵⁶ Muvene avo alepo u Maliya vamugatala nu Maliya uvaninemwa va Yakobu nu Yusefu, nu vaninemwa vavana va Sebedayo. ⁵⁷ Pu lyakhimihe, akhinja umunu umo ukavi va khu Alimatai, uyu ale vei Yusefu, eilitawa lya mwene, pu akhipela ikongi va Yeisu. ⁵⁸ Pu akhaluta khwa Pilate khukhoudova umbeilei nghwa Yeisu. Pu u Pilate akhalanghila ukhuta vape. ⁵⁹ Pu U Yusefu akhanghutola umbeilei nghwa Yeisu akhanghupinya neimienda ieiminonu fincho eimivalafu hange eimipya, ⁶⁰ Pu akhanchikhunghunghonia pavunguli uvupya uvuapunjile pa lunalawe. Akhalei beilusya eilinghanga eilivaha leikhava pandyango leikhadeinda uvunghuli, pwakhahengha. ⁶¹ Valepo u Maliya uva Maghatala nu Maliya u yunge uvaveili vatamile valeikhuvulola uvunghuli. ⁶² Pakhingono eikhyakhilavo khikhyo khyale khinghono

khya khwitesania avavaha va vatekhenchi nava Falisai valundamine pupaninie khwa Pilate. ⁶³ Vakhinchofancha nave vakhata, “Imbala tunkumbusya ukhuta useikhi unghu udesi ula vumwumi, atile.” ⁶⁴ Pa khinghono eikhyadatu ayinchukha ukhuhuma khuvunchukha. Pu uvudesi vwa khuvumaleilo yavwiva vuvivi ukhuluteila pavula uvutanchi.” ⁶⁵ U Pilato akhavavula akhata, “Muvatole avaloleli pu mulute mukhaveikhe avaloleli ndumwuensangheila.” ⁶⁶ Pu vakhaluta vakhaveikha avaloleli, uvunghuli vukhava pavuloleli eiliwe leila vakhaleveikha eikhimanyeilo.

Undyango 28

¹ Isabati yavile yeilutile, vukhuleipakhukya pakhinghono ikhitanchi ukhuhuma pa sabati pu u Maliya manghatala pu na yu Maliya uyunge vainchile pakhulola uvunghuli. ² Lola pukhwale neikhisenyenge ikhivaha pakhuva asuhwa va Nguluve ahumile khukyanya pwakhaleibeilusya eilinghanga pu akhalamila pakhyanya. ³ Pamiho pamwene pwaleikhuvonekha ukhuta lumuli lwa njasi, neimienda nghya mwene einghya fwalile nghyale mivalafu ukhula hala. ⁴ Pu avaloleli vala avavunghuli puvakhake nyemukha, puvakhava nulundwado, vakhanghwa pasi wita vafwile. ⁵ Usuhwa ula akhava vula avadala vala akhata, “Muladwadangha umwe pakhuva neilumanyile mukhundonda u Yesu, uvyakhatovelilwe pakhidameileihanie. ⁶ Asipali apa, puleino anchukhile nduvu akhava

vuleile. Pu mwinehe mulole upwakhanghonile unkuludeva. ⁷ Mulute khyahanila mukhavavule navavakongi vamwene, 'Anchukhile ukhuhuma khuvufwe, lola pwalongwile khulumwe ukhuluta khu Galilai. Ukhwa khukhwene mukhumbona.' Leino punjemalile ukhuvavula." ⁸ Pu avadala vala puvakhahengha khya hanila ukhuhuma pavunghuli vakhava nuludwado, paninie nuluhekhelo pavaleikhunkuya ukhuluta khukhuva vula avakongi va mwene. ⁹ Lola U Yeisu pwakhanganila navo pu akhata, "'Munghonile." puvakhakenyemukha, vakhahenghelela vakhamwibata amalunde puvakhisaya khumwene. ¹⁰ Pu u Yeisu akhavavula akhata, "mulekhe ukhudwada, mulutanghe mukhavavula avalukololwango nikhu valongola khu Galilai. Ukhwa kuvikhumbonangha. ¹¹ Avadala vala vuvalutile, lola avasikhali avange puvakhaluta khivavaha va vatekhenchi vakhavavula nghooni unghunghahumile. ¹² Puvakhalundama avavaha vavatekheneli navanghongolo vankivumbukhu vakhincho fanja navasikhali, ¹³ puvakhava pa indalama nchu nyingi avasikhali vala avakhalolelangha. Puvakhavavula vakhata, "muvavulange avanu avange ukhuta, 'avakongi vamwene vakhinchile pakilo pvaheinchile umbei nghwa Yeisu ufwe vutu ngonelile.' ¹⁴ Pu angave undoleli vakhilunga ipuleikho inonghwa inchi ufwe putwinchova nave alekhe ukhuva neilimenyu khulumwe mulekhe ukhusangha." ¹⁵ Pu leino avasikhali vala vakhatola indalama nchila, puvakhavomba nduvu vavuliwe.

Inongwa inchi nchikhavala fincho khuva Yuta pu yeilei ewo ukhufik leino. ¹⁶ Pu avakongi vala ikhinchingho numo pakyanya vakhaluta khuyalilai khukhyamba khila eikhn akhavavulele u Yeisu. ¹⁷ Navope vavile vambene, vakhisaya khumwene. Pu avange valeikhusina munumbula. ¹⁸ U Yeisu akhinja khuvene akhanehova navo akhata, “Neipevilwe une amakha nghono anghakhukyanya nangha pasi. ¹⁹ Pu leino indutanghe leino, mukhavape langhe avanu voni ukhuva vakongi. Mukhavonchanghe mulitavwa eilya Daada, nei lya Nswambe, nu mepo umbalanche. ²⁰ Nu khuvamanyisya ukhukonga nghooni unghunivalanghile umwe napavusileilo vwa khilunga.

Mahanji Bible
The New Testament in the Mahanji dialect of the
Kinga language of Tanzania

copyright © 2020 Door 43 International Mission Community

Language: Mahanji (Kinga)

Translation by: Door 43 International Mission Community

Contributor: Mahanji TZ, Malila, Ndali, Safwa

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-09-02

PDF generated using Haiola and XeLaTeX on 22 Feb 2024 from source files dated 31 Aug 2023

90b863ef-c5fe-5634-9533-e1e4c28371dd